

醒世千家詩

譚延闓





新編醒世千家詩

李圓淨編

第一篇 孝悌

遊子吟

唐孟郊

慈母手中線。遊子身上衣。臨行密密縫。意恐遲遲歸。誰言寸草心。報得三春暉。

題暉草齋

清劉獻廷

誰將堂上春。得比春日暉。日入光更出。親老無重歸。誰將人子心。得比庭前草。春風日日吹。草色年年好。

題愛日堂

明方孝孺

白日麗青天。朝出扶桑暮虞淵。堂上衰親雪滿顛。坐看白日心茫然。長繩不可繫。急景如流川。羲和羲和停汝鞭。高堂一日如千年。羲和御日之神。

憶母

時督兵
白洋河

明史可法

母在江之南。兒在淮之北。相逢在夢中。牽衣喜且泣。

燕子磯口占 時奉詔勦左良玉兵

來家不面母。咫尺猶千里。磯頭灑清淚。滴滴沈江底。

明 史可法

元日哭先大人

一夜思親淚。天明又復收。恐傷慈母意。暗向枕邊流。
仁孝之言。自然流出。

清 周淑然

山中夢母

霜月照屋壁。霜風湧江波。終夕不能寐。展轉思懷多。忽夢吾母來。地下知如何。

明 劉宗遠

宛然度山阿。但問兒衣薄。語短不及他。兒寒尚可忍。

慈烏夜啼

慈烏失其母。哇哇吐哀音。晝夜不飛去。經年守故林。夜夜夜半啼。

唐 白居易

聞者為沾襟。聲中如告訴。未盡反哺心。百鳥豈無母。汝獨哀怨深。

應是母慈重。使汝悲不任。昔有吳起者。母歿喪不臨。嗟哉斯徒輩。

其心不如禽。慈烏復慈烏。烏中之曾參。

燕詩示劉叟

唐白居易

梁上有雙燕。翩翩雄與雌。
 索食聲孜孜。青蟲不易捕。
 須臾千往來。猶恐巢中飢。
 一一刷毛衣。一旦羽翼成。
 雄雌空中鳴。聲盡呼不歸。
 爾當返自思。思爾為雛日。
 銜泥兩椽間。一巢生四兒。
 黃口無飽期。辛勤三十日。
 母瘦雛漸肥。舉翅不回顧。
 引上庭樹枝。却入空巢裏。
 啁啾終夜悲。當時父母念。
 高飛背母時。今日爾應知。

出門

清高其倬

飛鳥翔遙林。銜哺戀故枝。
 暗淚腸中垂。未言向何處。
 愛我不願哭。願我平安歸。
 不復餘襜幃。男兒羞低顏。
 傷心最何物。兩輪八馬蹄。
 今日行門前。舍子將語誰。
 明日行天涯。在家同一愁。
 寒水鳴咽流。出門成兩悲。

人生重別離。况是親衰時。
 先說還家期。慈親起送我。
 供饋倚病妻。語好顏色悽。
 升堂告行役。嫁衣典已盡。

木葉高下飛。

天晴尙愁人。

風雨秋淒淒。

字字從心坎中流出。與孟郊遊子吟可以並讀。

憶母

清 沈受宏

貧是儒家事。

難安爲老親。

遙憐負米客。

長作倚閭人。

夜績孤燈暗。

朝梳白髮新。

生男亦何益。

只是累艱辛。

從憶母中傳出母之憶子其言藹然。

歸來

清 王鴻緒

吾母倚閭久。

風塵望早歸。

驚看遊子面。

爲浣去時衣。

巖笋經冬出。

慈烏向晚飛。

白華堪志養。

不必羨甘肥。

秋日憶家大人粵遊

清 陸寅

又見秋風動。

蘆花江渚飛。

忍看時序變。

猶與老親違。

遠信無他語。

深情祇望歸。

應憐揮手日。

兒女共牽衣。

憶父

清 宋凌雲

李博妻

吳樹燕雲斷尺書。

迢迢兩地恨何如。

夢魂不憚長安遠。

幾度乘風問起居。

憶母

清 倪瑞璿

徐起泰妻

河廣難杭莫我過。未知安否近如何。暗中時滴思親淚。

只恐思兒淚更多。

題乞丐承歡圖

清蓉湖愚者

乞兒底事到今稱。爲解親前色笑承。多少翩翩裘馬客。

庭幃岑寂冷如冰。

拜掃詩

清王之鈇

一年始得見兒孫。正好團欒骨肉恩。豈意到來來即去。

空留細雨灑黃昏。

清明行

宋胡時中

憶昔父母康健時。清明攜我上邱壠。如今清明我獨來。

却挈小兒拜先塚。

搔首東風淚滿衣。江山雖是昔人非。兒曹問我悲何事。

此意他年汝自知。

寄子詩

熙甯中洪浩遊太學十年不歸其父作此寄之浩即日歸養。

宋人之洪浩父

太學何蕃久不歸。十年甘旨誤庭幃。休辭客路三千遠。

須念人生七十稀。

腰下雖無蘇子印。篋中尚有老萊衣。歸期定約春前後。

免使高堂賦式微。

寄子詩

宋章嘉官史院編修時其父寄以詩即告歸侍養。

宋人之章嘉父

九十衰翁七十兒。此時那可兩分離。客鄉已是三年別。

人世應無百歲期。

春雁北飛頻送目。夕陽西下幾顰眉。

何如及早成歸計。

莫待山榴開滿枝。

寄子詩

洪武中錢塘吳體官四川其父敬夫作此寄之遂歸。

明 吳敬夫

劍閣凌雲鳥道邊。路難聞說上青天。

山川萬里身如寄。

鴻雁三秋信不傳。

落葉打窗風似雨。孤燈背壁夜如年。

老懷一掬鍾情淚。

幾度沾衣獨泫然。

此詩與洪章兩詩。如出一手口。皆情至之作。令人不忍卒讀。

望月思親

為章作

明 沈周

韋郎五歲失其母。恃有父存未知苦。

長來見父不見母。

欲入地來地無戶。

仰對青天見缺月。嗟吾獨見一慈父。

明朝又是月圓時。

死者安能復如此。

常常見月便斷腸。天或哀憐為風雨。

宿彭水縣感懷

宋 陸游

木欲靜兮風不止。子欲養兮親不留。

夜誦此語涕莫收。

吾親之沒今幾秋。

尚疑舍我而遠遊。心冀乘雲返故邱。

再拜奉觴陳膳羞。

陶盜治米聲漉漉。

木甌吹麩香浮浮。毛薑屑桂調甘柔。

佐食佳餼百計求。

夜敷枕蓆視衾綯。

晨起薰籠進衣裳。哀哉此志終莫酬。有言不聞九泉幽。北風歲晚號松楸。

哀哉萬里為食謀。

割肝行 為莆田車孝子作

清潘耒

世間至孝稱割股。車郎割肝心更苦。一割已足通神明。再割彌令人天驚。

兒身母身同一體。平時髮膚不敢毀。親危力竭無奈何。一綫可延不惜死。

精誠感天天可迴。十五齡延糜一盃。糜一盃能再進。母不嘗兒心盡。

紛紜萬口爭誇矜。兒心豈願求名稱。亦或引古相繩詆。兒迫違知律與禮。

若使一念生較量。寸誠何足動穹蒼。貧能養親不離膝。少壯至老如一日。

史家論人須核實。縱不割肝猶可述。車孝子割肝愈母病。越十五年再割。母不肯嘗。遂卒。此詩持論平允。卓然史裁。

(以上教孝以下教悌)

七步詩 魏文帝嘗令陳思王植七步作詩。如不成。將行大法。植應聲云云。帝有慚色。 魏曹植

奠豆持作羹。漉鼓以為汁。其在釜下燃。豆在釜中泣。本是同根生。

相煎何太急。

送兄

武后時。有七歲女子能詩。武后命賦別兄。應聲而成云。

唐 七歲女子

八

別路雲初起。

離亭葉正飛。

所嗟人異雁。

不作一行歸。

示弟

唐 韋應物

余解郡符去。

汝爲外事牽。

甯知風雨夜。

復此對牀眠。

始話南池飲。

更詠西樓篇。

無將一會易。

歲月坐推遷。

風雨對牀二句。東坡兄弟爲之流連不置。

示弟

唐 許渾

自汝出門去。

淚痕常滿衣。

家貧爲客早。

路遠得書稀。

文字誰人識。

煙波幾日歸。

秋風正搖落。

孤雁又南飛。

憶弟

明 莊昶

天邊聞一雁。

杳杳向南徂。

今夜西風冷。

他鄉小弟孤。

五人千里去。

九月一書無。

欲寄雙行淚。

憑誰達客途。

亂後初入吳與舍弟小酌

明 王世貞

與汝同茲難。

重逢恐未真。

一身初屬我。

萬事欲輸人。

天意甯羣盜。

時艱更老親。不堪追往昔。醉語亦傷神。

舍弟來都中省視喜而有作三首

明 彭 桂

相持莫下拜。拭淚認分明。訝汝顏何瘦。

令予痛失聲。飢寒留臏骨。

患難得餘生。乍見渾無語。一時悲喜并。

况汝別庭闈。每念尸饜苦。

爲致慈親語。殷勤勸早歸。歎余違井邑。

弟傳親語勸歸而已與弟轉並滯客途倚閭之思愈切矣此真杜詩

深慚彈鋏非。向來多少淚。都染手縫衣。

牽衣別自難。兩人今旅次。

更傳兒女意。盡解憶長安。索飯嘸堪念。

此際愁何似。秋風暮更寒。

八口在江干。此際愁何似。秋風暮更寒。

比不解憶長安更覺可悲不解憫其無知也盡解又憐其慧也

憶舍弟

于 逖

衰門少兄弟。兄弟惟兩人。

饑寒各流蕩。感念傷我神。夏期秋未至。

不識爲何因。不怨別天長。

但願見爾身。茫茫天地間。萬類各有親。

安知爾與我。乖隔同胡秦。

何時對形影。憤懣當共陳。

歡聚示弟行簡

唐 白居易

今日一筵聚。歡暢何怡怡。此樂從中來。他人安得知。兄弟惟二人。遠別恆苦悲。今春自巴峽。萬里平安歸。復有雙幼妹。昨日嫁娶畢。良人皆可依。憂念兩消釋。如馬脫羈縻。身輕心無繫。忽欲凌空飛。人生苟有累。足食常如飢。我心既無苦。飲水亦可肥。予今告吾弟。弟其聽我辭。不歎鄉國遠。不嫌官祿微。但願我與汝。終老不相離。

別兄

被逮時。中途別兄之作。

明 李應昇

病餘憔悴一孤身。歸去寬心慰兩親。長願生生爲手足。鵲鴿原上了前因。

喜德尹至都錄一首

清 查慎行

別是尋常會却奇。鵲鴿沙外影離離。可憐半世爲兄弟。兩度相逢在路岐。

留別仲弟德尹

清 查慎行

雞聲驚起對牀眠。纔說江關便黯然。與汝未曾經遠別。得歸難定是何年。渡江風物悲元亮。懷土人情感仲宣。瓦屋三間門兩版。頻煩爲我掃東偏。

寄家兄勵齋先生

時客
還皋

清張學尹

噫。喉。霜。鴻。枕。上。聞。天。涯。風。雨。愴。勞。人。
夢。裏。不。知。江。漢。遠。老。來。惟。覺。弟。兄。親。
歸。期。好。及。黃。花。發。白。首。俄。驚。七。十。春。
扶。杖。相。將。汨。水。濱。

鬱鬱詞 二首

清鄭元世

年荒有兄不顧其弟者。作此詞以感之。

鬱鬱紫荊。枝條紛紛。枝條雖分。其本則均。父母生兒。惟我弟昆。
弟昆分形。血氣一源。予手若創。予足不伸。予體不伸。予心煩冤。
兄兮不關。誰知予之飢寒。相彼鳴雁。猶同其羣。胡今之人。不知有弟昆。
我視之弟。親視之子。念我父母兮。心熱而顙泚。

兄弟詩 十首

集諸名家

同氣連枝各自榮。些些言語莫傷情。一回相見一回老。能得幾時爲弟兄。
想到此。兄弟皆應
下淚。還計較什麼。

兄弟同居忍便安。

莫因毫末起爭端。

眼前生子又兄弟。

留與兒孫作樣看。

後來子姪。你要他和好否。此上二首。係法昭禪師詩。

財物區區莫認真。

一家到底是天親。

萬般要看爺娘面。

骨肉同胞有幾人。

俗語說。好煞是他人。惡煞是家人。打處還須親兄弟。一些不差。

笑煞痴兒太薄情。

同枝共蒂亦相爭。

銀錢送與他人用。

何不將些讓阿兄。

真可笑。

都受爺娘養育恩。

桃花千朵總同根。

莫將姊妹來輕薄。

十指連心箇箇疼。

會意否。

曾記詩人賦鵲鴿。

何人聽得不惺惺。

如今識得齊家法。

只是妻孥話勿聽。

枕邊言語。原以少聽為妙。

家財悉聽我親分。

雖有參差不必爭。

譬若更多兄弟輩。

但分債負也該應。

那時爭些什麼來。

百歲光陰如水流。

兄兄弟弟幾春秋。

從前綵服曾同戲。

時日幾何並白頭。

到哥老弟來。應倍加親愛。

吾兄吾弟或疑猜。

只合登堂請罪來。

識得連枝關痛癢。

紫荆枯後又花開。

田真兄弟分家。荆紫頓枯。因感而復合。荆花仍茂。物猶如此。何況乎人。

兄弟須知骨肉真。

雖然異母總天倫。

外人尙要相和好。

何況爹爹一脈親。

且看爹面上。

第二篇 仁愛

憫農詩 二首

唐李紳

春種一粒粟。

秋收萬顆子。

四海無閒田。

農夫猶餓死。

鋤禾日當午。

汗滴禾下土。

誰知盤中飧。

粒粒皆辛苦。

呂溫見此詩曰。此人必爲宰相。果如其言。

觀刈麥

唐白居易

田家少閒月。

五月人倍忙。

夜來南風起。

小麥覆隴黃。

童稚攜壺漿。

相隨餉田去。

丁壯在南岡。

足蒸水土氣。

背灼炎天光。

婦姑荷簞食。

力盡不知熱。但惜夏日長。復有貧婦人。抱子在其旁。
 右手攜遺穗。左手懸敝筐。聽其相顧言。聞者為悲傷。
 家田輸稅盡。拾此充飢腸。今我何功德。曾不事農桑。
 吏祿三百石。歲宴有餘糧。念此私自愧。盡日不能忘。
時白公為
 整厓尉

織婦吟

清樓梯霞

蟲聲夜呼切。小婦向機泣。非關蕭索動秋心。別有關情訴衷臆。

去年歲熟棉多房。白花黃梁交道旁。綠窗有女事機杼。九月未寒衣盈箱。

今年早勉何熾燼。禾稼焦爛棉亦空。偶然零落供織紉。朝機暮市延殘命。

舊衣典食且不充。敢將刀尺泣秋風。夫行采蕨兒無裳。涼飈颯颯吹我房。

三冬霜雪寒正苦。腹餓何堪受淒楚。不為凍鬼即餓殍。夜月機絲虛織女。

言罷已覺涕泗橫。拋梭不語心骨驚。今歲窮簷類若此。請君為聽織婦吟。

農家

五代顏仁郁

夜半呼兒趁曉耕。羸牛無力漸艱行。時人不識農家苦。將謂田中穀自生。

示關吏

公知越州。有屬吏孫居中卒。子幼家貧。厚贈送歸。作此示關吏。

宋 范仲淹

十口相依泛巨川。來時暖熱去悽然。關津不用詢名氏。

此是孤兒寡婦船。

淮上遇風

宋 范仲淹

一櫂危於葉。旁觀亦損神。他時在平地。無忽險中人。

非先憂後樂之。宰相不能為此言。

賣子

清 人

養汝如雛鳳。年荒值幾錢。辛勤當自愛。不比在娘邊。

讀之使人涕下。

買僕

陶淵明示子書。此亦人子也。須善視之。此詩本此意。

清 顧仙根

我家得一僕。人家失一子。同是父母心。還當慎驅使。

新僕

清 吳嘉紀

語少身初賤。魂傷家驟離。饑寒今已免。力役竟忘疲。長者親難淡。

新名答尙疑。猶然是人子。過小莫輕答。語從新字起意。一結仁人之言。藹然動聽。

恤下

闕 名

奴僕冥頑墮下塵。且應憐念莫生瞋。若能事事如君意。他自將身作主人。

湘江亭宴僚屬

帥譚州時作

宋 真德秀

從來官吏與斯民。本是同胞一體親。
 既以脂膏供爾祿。當知痛癢切吾身。
 此邦素號唐風古。我輩當如漢吏循。
 今日湘亭一樽酒。更煩散作十分春。

新製布衣

唐 杜甫

桂布白似雪。吳絲軟如雲。
 布重絲且厚。為裘有餘溫。
 夜覆眠達晨。誰知嚴多月。
 肢體暖如春。中夕忽有念。
 撫裘起逡巡。和暖皆如我。
 丈夫貴兼濟。豈獨善一身。
 安得萬里裘。蓋裹周四垠。
 天下無寒人。

哀流民

元 張養浩

哀哉流民。為鬼非鬼。為人非人。
 哀哉流民。男子無縕袍。婦女無完裙。
 哀哉流民。剝樹食其皮。掘草食其根。
 哀哉流民。晝行絕煙火。夜宿依
 星辰。哀哉流民。父不子其子。子不親其親。
 哀哉流民。言辭不忍聽。
 號哭不忍聞。哀哉流民。朝不能保夕。暮不敢保晨。
 哀哉流民。死者已

滿路。生者與鬼鄰。哀哉流民。一女易斗粟。一兒錢數文。哀哉流民。并此不可得。割愛委路塵。哀哉流民。何時天雨粟。使汝俱生存。

母抱兒

清鄭世元

母抱兒。兒在懷中啼。我兒且弗啼。村中榆樹剝盡皮。三日不食氣一絲。那得有乳哺汝飢。抱兒出門去。負兒行道周。不知東西與南北。仰面乞食低面羞。行人來往各怏怏。嗚呼。誰能救汝母子命。

夫別妻

有序

清金埴

康熙四十八年。吾越米價騰躍。每石值二金。民多飢者。有鄉婦入城傭乳。與其夫絮語泣別。予過而哀之。因寫入樂府云。

夫別妻。夫自往東妾往西。妾身往哺富家兒。家中有兒慎勿答。答我兒。剋我肉。肉剋盡。乳不足。新麥多收兩三斛。明年早望將身贖。

鬻孫謠

元李思衍

白頭老翁髮垂頷。牽孫與客摩孫頂。翁年八十死何妨。憐汝孩童困饑饉。

去年雖旱猶禾熟。今年飛霜先殺菽。
 去年饑饉猶一粥。今年饑饉無餘粟。
 客謝老翁將孫去。淚下如絲不能語。
 零丁老病惟一身。獨臥茅簷夜深雨。
 夢回猶是誤呼孫。縣吏催租正打門。

流民歎

明 彭友信

凍雲黯黯天四垂。流民隊隊傷世離。
 老者前行牽黃犢。壯者荷擔籃挑兒。
 擔頭兒號寒。擔後妻啼饑。彳亍蹣跚寸步移。
 少婦背囊手捲席。老嫗攜孫淚沾臆。
 問之何鄉流徙民。欲訴不訴聲哽噎。

弔萬人塚

五代 張 蠙

兵罷淮南客路通。亂鴉來去噪寒空。
 可憐白骨攢孤塚。盡爲將軍集戰功。

爲千古贖武者垂戒。

勸救荒詞六首

清 泛舟客

世人最苦是饑荒。提起應拋淚萬行。
 借貸無門煙火斷。救人性命感蒼蒼。

此悲福田。植一獲萬。明達之士。決不錯過。

倉中米麥勿陳陳。
急速將來賑濟人。
多少眼前金谷客。
半歸他姓半成塵。

可憐
蟲耳。

天道循環理最真。
誰人常富更常貧。
今朝受餓吞飢者。
半是當年慳吝人。

當年何嘗
想到此日。

鵠面鳩形不忍看。
擡頭看處便心酸。
生成一樣同身世。
鐵石心腸也不安。

只此一點仁心能快
來盡量做去那得不驚天動地。

賣田煮粥說京江。
甘作窮人且救荒。
五十猶然生貴子。
少年及第老中堂。

可令人
眼熱。

一石私藏人餓死。
萬人性命痛流離。
倉廩堆積如山者。
轉世奇窮腹永饑。

動一點
念頭否。

第三篇 戒殺

戒殺

寒山大士

猪喫死人肉。

人喫死猪腸。

猪不嫌人臭。

人反道猪香。

猪死拋水內。

人死掘地藏。

彼此莫相喫。

蓮花生沸湯。

勉學子

明方孝孺

莫驅屋上烏。

烏有反哺誠。

莫烹池上雁。

雁行如弟兄。

流觀飛走倫。

轉見天地情。

人生處骨肉。

胡不心自平。

田家一聚散。

草木爲枯榮。

我願三春日。

垂光照紫荆。

同根而並蒂。

藹藹共生成。

放生詩

錄一首

明陶望齡

豎首橫目人。

豎目橫身獸。

從獸者智攫。

甘人者勇鬪。

悲哉肉世界。

奚物獲長壽。

一虎當邑居。

萬人怖而走。

萬人俱虎心。

物命當誰救。

莫言他肉肥。

可療吾身瘦。

彼此電露命。

但當相憫宥。

共修三堅法。

人獸兩無負。

三種堅法。謂修道者得無極之身。無窮之命。無盡之財。

戒殺牛

嚴調御

萬族皆畏死。

牛死更悽楚。

夜聞鼓刀聲。

雙跪淚如雨。

哽咽不能言。

知死乞向賈。赤瀝已肉身。心恨兩睛弩。烹犢母念兒。昭昭盈萬古。

賈怒奮椎擊。蠕蠕動肺腑。筋膂餘跳戰。割母兒思乳。

毒意揮刀斧。頭角雖搶地。爨薪已成脯。離離原上田。

皮血委地鮮。中情未肯俯。饑口涎筋邊。猶是犁下土。

生剝嬰萬苦。魄大命難絕。冤魂泣中釜。試看食牛報。

生日讌客詩

清施潤章

庶類皆吾徒。所甘能幾許。味多禮數煩。儉德有成矩。及我所生日。彼詎甘就釜。豈但敬浮屠。

好生天所與。口腹成江河。偃僂疲賓主。我久持殺戒。劬勞念父母。臨縛爭哀鳴。饜餐憐盡取。

鋒刃更相尋。橫流不可禦。何如真率會。賓筵不輕舉。早孤養不逮。札札相告語。蘋藻薦神明。

殺機簇鼎俎。割鮮日狼藉。茗談勝芳醕。果蔬佐肴核。摧心淚如雨。未死神已泣。至敬非簋簠。隨興命歌舞。吾既愛吾生。斯言觸肺腑。百拜告時賢。

推心勿我吐。

戒殺五言詩選 十首

其一

勸君休殺命。背面復生瞋。喫他還喫汝。循環作主人。

闕名

其二

鈎簾歸乳燕。穴牖出癡蠅。愛鼠常留飯。憐蛾不點燈。

宋蘇軾

其三

我哀籃中蛤。閉口護殘汁。又哀網中魚。開口吐微濕。剗腸彼交病。

宋蘇軾

過分我何得。相逢未寒溫。相勸此最急。

其四

一指納沸湯。渾身驚欲裂。一針刺已肉。遍體如刀割。魚死向人哀。

周思義

雞死臨刀泣。哀泣各分明。聽者自不識。

其五

宋黃庭堅

我肉衆生肉。
甘肥爲我須。

名殊體不殊。
莫教閻老斷。

原同一種性。
自揣應何如。

祇是別形軀。

苦惱從他受。

其六

釋慈憫

買肉須要肥。
一毛不肯拔。

買魚須要活。
黃泉途路險。

買衣須要美。
失脚恐難脫。

買田須要闊。

若教買命放。

其七

闕名

每饌必烹鮮。
痛苦不能哭。

未見長肌肉。
殺我待如何。

今朝血濺地。
將人試比畜。

明日仍枵腹。

彼命縱微賤。

其八

褐衣人

食君數粒粟。
禍福相倚伏。

充君羹中肉。
願君戒勿殺。

一羹斷數命。
生死如轉轂。

蔡君謨好食鶉。夢褐衣人曰。來日從君乞命。且誦此詩。君謨覺。乃悉放鶉。

下箸猶未足。

口腹須臾間。

其九

闕名

我書戒殺歌。

奉勸世人讀。

物類形體殊。

豈甘遭慘毒。

利刀刺肝心。

尖刀剖胸腹。皮揪肉顫搖。喉斷身顛撲。血濺滿砧几。悲號震牆屋。
 鰻刺尚盤旋。魚烹猶跳躍。大痛何可當。極苦難逃脫。覩彼盤盂中。

其十

耐庵道人

有命盡貪生。無分人與畜。最怕是殺烹。最苦是割肉。擒執未施刀。
 魂驚氣先窒。喉斷氣未絕。顛倒三起伏。魚鱉無聲類。見死睜兩目。
 掙命砧几間。張口不能哭。念此惻肺肝。何忍縱口腹。

戒殺七言詩選 十首

其一

宋陸游

血肉淋漓味足珍。一般痛苦怨難伸。設身處地捫心想。誰肯將刀割自身。

其二

清彭尺木

平時喔喔聽雞鳴。此夜蕭然度五更。碧血千刀流不盡。佐他杯酒話春生。

其三

明陶望齡

物我從來本一眞。
幻形分處不分神。
如何共嚼娘生肉。
大地哀號慘煞人。

其四
釋願雲

千百年來碗裏羹。
冤深如海恨難平。
欲知世上刀兵劫。
但聽屠門夜半聲。

其五
唐白居易

誰道羣生性命微。
哺雛覓食故飛飛。
勸君莫打三春鳥。
子在巢中望母歸。

其六
唐陸甫里

萬峯迴繞一峯深。
到此常修苦行心。
自掃雪中歸鹿跡。
天明恐有獵人尋。

其七
唐杜牧

已落雙鵬血尚新。
鳴鞭走馬又翻身。
憑君莫射南來雁。
恐有家書寄遠人。

其八
回道入

世間水陸與虛空。
盡屬皇天懷抱中。
試令設身游釜餽。
方知弱骨受驚忡。

其九
宋陸游

秋風社散日平西。
餘昨殘壺手自提。
賜食敢思烹細項。
家庖仍禁擘團臍。

惜身誰肯輕傷髮

止殺先從莫拍蚊

老負明時無補報

惟將忠敬事心君

其十

回道人

汝欲延生聽我語
他若死時你救他

凡事惺惺須求己
你若死時天救你

如欲延生須放生
延生生子無別方

此是循環真道理
戒殺放生而已矣

戒殺醒世歌

慧道人

世人生兒如掌珍
畜生亦有母子情
物殺我子恨如何
有時恩愛不到頭
雙魚比目必同游
畜生苦痛盡如人

心心常恐兒難育
犬多護兒牛舐犢
我害他兒不怨毒
最苦形單與影獨
孤雁分離必獨宿
只差有淚不能哭

不幸少時疾病亡
雞爲守雛身不離
世人夫婦願齊眉
烏有雌雄迭相呼
人貪滋味美喉嚨
試把他身比自身

聲聲哭出親兒肉
鱸因愛子身常鞠
網繆無限情交篤
獸分牝牡羣相逐
何苦析開他眷屬
何待閻君判直曲

第四篇 知足

贈鈞者

江上往來人。

盡愛鱸魚美。

君看一葉舟。

出沒風濤裏。

宋 范仲淹

詠物

蝸涎不滿殼。

聊足以自濡。

升高不知疲。

竟作粘壁枯。

此可為知進者戒。

宋 蘇軾

箸

笑君攫取忙。

送入他人口。

一世酸鹹中。

能知味也否。

凡剝民以奉上官者。讀此能無廢然。

清 袁枚

偶得

哀哀趨勢徒。

乞憐權貴側。

上壽千黃金。

修贄雙白璧。

猶恐未得當。

清 趙翼

屏息伺顏色。

一笑非常榮。

偶佛終夜感。

使其將此心。

事親供子職。

但須十一二。

大孝已莫及。

何為舍所生。

去徇勢炎赫。

所得能幾何。

自感

宴遊寢食漸無味。

杯杓管絃徒繞身。

賓客歡娛僮僕飽。

始知官職為他人。

唐 白居易

蜂

不論平地與山尖。無限風光盡被占。採得百花成蜜後。為誰辛苦為誰甜。

唐羅隱

下第作

此詩不怨人而自怨。厚之至也。

每到花時恨道窮。一生知遇半成空。只因抱璞非良玉。豈得人人欠至公。

唐張喬

德興縣葉元愷家題

蔥湯麥飯兩相宜。蔥暖丹田麥療飢。莫道儒家風味薄。隔鄰猶有斷炊時。

宋朱熹

牧童詩

六歲作

騎牛冉冉過前村。短笛風吹隔隴聞。多少長安名利客。機關用盡不如君。

宋黃庭堅

題襄州驛亭

沙隄築後迎丞相。驛使催時送逐臣。到底輸他林下客。無榮無辱自由身。

宋寇準

絕句

汲汲光陰似水流。隨時得過便須休。兒孫自有兒孫福。莫與兒孫作馬牛。

宋徐守信

菴中自題

宋釋顯萬

萬松嶺上一間屋。老僧半間雲半間。雲自三更去行雨。歸來方羨老僧閒。

示子弟 公隨蜀王衍歸朝。官工部尚書。致仕時。長安舊居多被侵佔。子弟欲訴諸官。公止以詩。 宋楊 玘

四鄰侵我我從伊。畢竟須思未有時。試上含元殿基望。秋風秋草正離離。

韓魏公遺事。公判京兆。日常書此以示其姪孫。蓋引楊公詩。非魏公自作也。明劉忠宣公亦嘗引以示子弟。

卽事 鐘鳴漏盡行不休。讀此詩可以知止。 元 許 衡

黑雲莽莽路昏昏。底事登車尙出門。直待前途風雨惡。蒼茫何處覓煙村。

弔脫脫丞相 元 人

百千萬貫猶嫌少。堆積黃金北斗邊。可惜太師無脚費。不能搬運到重泉。

感賦 明 漆修綸

空拳赤手初生世。富貴何人是帶來。既不帶來難帶去。銅山鐵券總塵埃。

誠子弟 明 林 瀚

何事紛爭一角牆。讓他幾尺也無妨。長城萬里今猶在。不見當年秦始皇。

書所見 清 趙 翼

解綬歸來卜築忙。老夫曾此賀華堂。看他營造看他賣。底事人猶羨宦囊。

歎世

唐釋無本

多置莊田廣修宅。四鄰買盡猶嫌窄。雕牆峻宇無歇時。幾日能為宅中客。

問舍求田猶未已。堂上哭聲人已死。哭人盡是分錢人。口哭原來心裏喜。

放言

唐白居易

世途倚伏都無定。塵網牽纏卒未休。禍福迴環車轉轂。榮枯反覆手藏鈎。

龜靈未免剗腸患。馬失應無折足憂。不信君看奕棋者。輸贏須待局終頭。

始至洛中言懷

宋司馬光

三十餘年西復東。勞生薄宦等飛蓬。所存舊業惟清白。不負君恩有樸忠。

早避喧煩真得策。未逢危辱好收功。太平觸處農桑滿。贏取閭閻鶴髮翁。

過揚子江

周介文

大江飛走疾如鴻。兩岸蒼山指顧中。舟子往來波浪裏。莫教張滿一帆風。

閒居詩

闕名

典却青衫辦早廚。
不敢妄爲些子事。

老妻何必更躊躇。
只因曾讀數行書。

瓶中有醋堪和菜。
嚴霜烈日皆經過。

囊底無錢莫買魚。
次第春風到草廬。

放歌

唐人

人生七十古來少。
朝裏官多做不盡。

先除年少後除老。
世上錢多賺不了。

中間光景不多時。
官大錢多憂轉多。

更有炎涼與煩惱。
落得自家頭白早。

中秋過了月不明。
請君檢點眼前人。

清明過了花不好。
一年幾度埋芳草。

花前月下漫高歌。
芳草高低新舊墳。

及時回頭莫顛倒。
可憐寒食無人掃。

醒世二首

羅念菴

其一

萬事天來莫強求。
生事事生何日了。

何須苦苦用機謀。
害人人害幾時休。

飽三餐飯常知足。
冤家宜解不宜結。

得一帆風便可收。
各自回身看後頭。

其二

堪歎人心毒似蛇。

誰知天道轉如車。

去年妄取東鄰物。

今日還歸北舍家。

分外錢財湯潑雪。

騙來田地水堆沙。

若將狡譎爲生計。

恰似朝開暮落花。

戒貪 五首

闕名

越奸越巧越貧窮。

奸巧原來天不容。

富貴若從奸巧得。

世間呆漢吸西風。

極趣

錢財有命古來聞。

理欲關頭一念分。

識破此中原有數。

自然一笑等浮雲。

此題焦狀元
還金圖畫冊

不結良因與善緣。

苦貪財利日憂煎。

豈知住世金銀寶。

借爾權看數十年。

俗所謂守
財奴也。

日夜無休只認真。

略差半點便紛爭。

誰知一赴泉臺路。

悔把恩仇抵死分。

真算
不來。

佔便宜處失便宜。

喫得虧時天自知。

但把此心存正直。

不愁畢世被人欺。

第五篇 勤儉

長歌行

古樂府

青青園中葵。朝露待日晞。陽春布德澤。萬物生光暉。常恐秋節至。老大乃傷悲。

勸學

唐孟郊

擊石乃有火。不擊原無煙。人學始知道。不學非自然。萬事須有運。他得非我賢。青春須早爲。豈能長少年。

勵志詩

錄二首

清計元坊

青青園中林。並望成嘉樹。或者干雲霄。或者苦顛仆。豈真託根殊。亦異灌溉故。人力不滋培。樑棟安得具。而何蚩蚩氓。榮落但委數。鳩毒惟晏安。古人戒自適。所以陶士行。嗜嬾如有癖。運甓日累百。破賊石頭下。精勤由素積。奈何卑棲士。嗜嬾如有癖。志爲氣之帥。願師聞雞人。無蹈嵇阮迹。志銳氣自役。

富貴曲

五代鄭遨

美人梳洗時。滿頭閒珠翠。豈知兩片雲。帶却幾鄉稅。

輕肥 秦中吟十首之一

唐白居易

意氣驕滿路。鞍馬光照塵。借問何為者。人稱是內臣。

朱紱皆大夫。

紫綬或將軍。誇赴中軍宴。走馬去如雲。樽罍溢九醞。

水陸羅八珍。

果擘洞庭橘。膾切天池鱗。食飽心自若。酒酣氣益振。

是歲江南旱。

衢州人食人。

節用箴

清陸隴其

人生天地間。富貴誰不欲。已力不營運。日用安能足。

成立最艱難。

破蕩極迅速。貧窮因懶惰。借貸遭恥辱。儉用勝求人。

奢侈莫隨俗。

男若勤耕種。飢不愁菽粟。女若攻紡織。寒不慮衣服。

勿謂長少年。

光陰如轉轂。男長婚事逼。女大嫁亦促。雙親老將至。

百費相繼續。

臨期欲副用。閒時須積蓄。努力奮經營。慎勿憚勞碌。

賣餅兒

宋張耒

城頭月落霜如雪。樓頭五更聲不絕。捧盤出戶歌一聲。市樓東西人未行。
北風吹衣射我餅。不憂衣單憂餅冷。業無高卑志當堅。男兒有求安得閒。

詠史

唐李商隱

歷覽前賢國與家。成由勤儉破由奢。何須琥珀方爲枕。豈必珍珠始是車。
運去不逢青海馬。力窮難拔蜀山蛇。幾人曾預南薰曲。終古蒼梧哭翠華。

示兒孫

宋陸游

人生讀書本餘事。惟要閉門修孝弟。畜豚種菜養父兄。此風乃可傳百世。
我聞長安官道旁。至今人指魏公莊。北方俗厚終可意。一字不識勤耕桑。

詠牡丹

宋王溥

棗花最小能成實。桑葉雖柔解作絲。堪笑牡丹如斗大。不成一事又空枝。

雜詩

宋僧遇賢

揚子江頭浪最深。行人到此盡沈吟。他時若向無波處。還似有波時用心。

還山

作者年七十。猶作闕。粵之游。歸而賦此。

清袁枚

重理殘書喜不支。一言擬告世人知。莫嫌海角天涯遠。但肯搖鞭有到時。

薄飲食詩 二首

其一

葱湯麥飯煖丹田。麥飯葱湯也可憐。試向城樓高處望。人家幾處未炊煙。

江右梅

其二

秋來霜露滿東園。蘿菔生兒芥有孫。我與何曾同一飽。不知何苦食雞豚。

宋蘇軾

勸勤業 二首

勤懶皆因一念生。家庭興敗此中爭。萬般事業由勤致。懶漢何曾見有成。

清體乾山人

一味怕吃苦。那得有成。

年少光陰最足珍。都緣兩字誤因循。畢生事業知何限。那得工夫走市塵。

一日無事。即一日自殺。因循二字。不知害了多少青年。

傳家寶訓 四首

闕名

處世持家年復年。總須慮後更思前。有錢常想無錢日。莫待無錢想有錢。

那一個明白。

淡飯粗衣未足羞。心田失種却堪愁。留些餘地勤修福。多少貧人仰面求。

刻苦自己。留地步以濟貧人。方為有福人作用。

無端糜費太猖狂。用了銀錢造孽忙。何不將來行善事。保君後代子孫昌。

樂得做。

刻薄成家不久長。吃虧總有好收場。放寬一步無窮樂。好護心頭一點良。

第六篇 慎交

審交

唐孟郊

種樹須擇地。惡土變木根。結交若失人。中道生謗言。君子芳桂性。春榮冬更繁。小人槿花心。朝在夕不存。莫躡冬冰堅。中有潛浪翻。唯當金石交。可以賢達論。

傷友

秦中吟十首之一

唐白居易

陋巷孤寒士。出門苦栖栖。雖云志氣在。豈免顏色低。平生同門友。通藉在金閨。曩者膠漆契。邇來雲雨睽。正逢下朝歸。軒騎五門西。是時天久陰。三日雨淒淒。蹇驢避路立。肥馬當風嘶。迴頭忘相識。占道上沙隄。昔年洛陽社。貧賤相提攜。今日長安道。對面隔雲泥。近日多如此。非君獨慘悽。死生不變者。唯聞任與黎。

求友

唐王建

鑒形須明鏡。療疾須良醫。若無傍人見。形疾安自知。世路薄言行。學成棄其師。每懷一飯恩。不動勸勉辭。敦學既不成。朋友道日虧。遂作名利交。四海爭奔馳。常慕正直人。生死不相離。苟能成我身。甘爲僮僕隨。我言彼當信。彼道我無疑。以石投深池。終朝舉善道。敬受當行之。縱令誤所見。亦貴本相規。所貴去瑕疵。各願貽子孫。永爲後世資。不求立名聲。

聞樂天左降江州司馬

白樂天云此詩他人尚不可聞况僕哉。

唐元稹

殘燈無焰影幢幢。此夕聞君謫九江。垂死病中驚坐起。暗風吹雨入寒窗。

得樂天書

唐元稹

遠信入門先有淚。妻驚女泣問何如。尋常不審曾如此。應是江州司馬書。

貧交行

唐杜甫

翻手為雲覆手雨。紛紛輕薄何須數。君不見管鮑貧時交。此道今人棄如土。

一蚊

清趙翼

六尺匡牀障皂羅。偶留微罅失譏訶。一蚊便攪人終夕。宵小原來不在多。

落葉

清劉芳

積怨堆愁委地深。西風衰草亂蟲吟。此時狼藉無人問。誰記窗前借綠陰。

擇交詞

闕名

其一

酒肉之朋不可親。結交須近老成人。善良自有芝蘭氣。緩急相依見性真。

其二

善須相勸過須規。總賴良朋好護持。鳥擇木兮人擇友。嚶鳴求友鳥猶知。

贈任華

唐高適

丈夫結交須結貧。貧者結交結始親。世人不解結交法。惟重黃金不重人。黃金雖多有盡時。結交一成無竭期。不見管仲與鮑叔。至今留名名不移。

結交

唐人

種樹莫種垂楊枝。結交莫結輕薄兒。楊枝不耐秋風吹。輕薄易結還易離。君不見昨日書來兩相憶。今日書來不相識。不如楊枝猶可久。一度春風一回首。

寄懷彭民望湘中

明李東陽

斫地哀歌興未闌。歸來長鋏尙須彈。秋風布褐衣猶短。夜雨江湖夢亦寒。木葉下時驚歲晚。人情閱盡見交難。長安旅食淹留地。慚愧先生苜蓿盤。

民望得此詩。潸然淚下。悲歌數十遍不休。曰。西涯所造。一至此乎。蓋性情之所感也。

滁陽別諸友有序

明王守仁

滁陽諸友送予至烏衣不能別。王性甫汝德復送至江浦留居。俟予渡江。書此促之歸。并寄諸賢。

滁之水。入江流。江潮日復來。滁州相思若潮水。來往何時休。空相思。

亦何益。欲慰相思情。不如崇令德。握地見泉水。隨處無弗德。何必馳

驅爲。千里遠相卽。君不見。堯羹與舜牆。又不見。孔與跖。對面不相

識。逆旅主人多慇懃。出門轉盼成路人。文成所到處。士人多從之。問學。此詩勉以崇令德。使歸而求之。深得贈言

義之

第七篇 覺迷

心命歌

闕名

心好命又好。富貴直到老。命好心不好。福變爲禍兆。心好命不好。最要存仁道。

禍轉爲福報。心命俱不好。遭殃且貧夭。心可挽乎命。

命實造於心。吉凶惟人召。信命不修心。陰陽恐虛矯。修心一聽命。天地自相保。

勸友

明李如一

愚濁生瞋怒。皆因理不通。休添心上火。只作耳邊風。長短家家有。炎涼處處同。是非無實相。轉眼究成空。

題壁四首

清高濂

鵲噪非爲喜。鴉鳴不是凶。善淫分禍福。豈在鳥鳴中。
 耕牛無宿草。倉鼠有餘糧。萬事皆前定。浮生空自忙。
 翠死因毛貴。龜亡爲殼靈。不如無用物。安樂過平生。
 雀啄復四顧。燕寢無二心。量大福亦大。機深禍亦深。

多見道語

廢宅

唐周濟

牢落畫堂空鎖塵。荒涼庭樹暗消春。豪家莫笑此中事。曾見此中人笑人。

天津感事吟

宋邵雍

水流任急性常靜。花落雖頻意自閒。不似世人忙裏老。生來未始得開顏。

詠上竿伎此詩諷世人
巧不如拙。

宋晏殊

百尺竿頭孌孌身。足騰跟掛駭旁人。漢陰有叟君知否。抱甕區區亦未貧。

延平灘

宋倪思

長幾贛石三百里。險過瞿塘十八灘。幸有溪旁平穩路。何須欲速冒驚湍。

偶成此詩以道眼觀世
事誠不值一哂。

清沈用濟

蟪蛄殺賊蚊巢上。蠻觸交爭蝸角中。比似諸天觀下界。一微塵裏鬪英雄。

江陰道中遇順風得時人須
讀此詩

清趙翼

逆風船忽順風多。百里程途半日過。却看來船牽纜苦。我雖欣幸亦憐他。

絕句

宋善棋道人

其一

爛柯真訣妙通神。一局曾經幾度春。自出洞來無敵手。得饒人處且饒人。

其二

得放寬時且放寬。積些陰德我心安。眼前地步須知退。好景須留日後看。

苦樂無常歌

清薩哈岱

天邊月。昨見團圓今又缺。園中花。秋悲衰落春重華。風吹白衣忽蒼狗。萬變千奇無不有。朝爲滄海暮桑田。今古滄桑亦難久。君不見臺榭起連雲。歌兒舞女爭紛紛。轉盼繁華尋不得。草深門巷惟斜曛。又不見茅簷士子愁壁立。天涯每效窮途泣。一朝名藉曲江池。駟馬光輝照鄉邑。

勸世詠

明憨山大師

紅塵白浪兩茫茫。忍辱柔和是妙方。到處隨緣延歲月。終身安分度時光。休將自己心田昧。莫把他人過失揚。謹慎應酬無懊惱。耐煩作事好商量。從來硬弩弦先斷。每見剛刀口易傷。惹禍只因搬口舌。招愆多爲狠心腸。是非不必爭人我。彼此何須論短長。世界由來多缺陷。幻軀焉得免無常。喫些虧處原無礙。退讓三分也不妨。春日纔看楊柳綠。秋風又見菊花黃。

榮華終是三更夢。富貴還同九月霜。
人從巧計誇伶俐。天自從容定主張。
麝因香重身先死。蠶爲絲多命早亡。
生前枉費心千萬。死後空持手一雙。
休得爭強來鬪勝。百年渾是戲文場。
老病死生誰替得。詔曲貪嗔墮地獄。
一劑養神平胃散。悲歡離合朝朝鬧。
富貴窮通日日忙。不知何處是家鄉。

醒世雜詠 八首

集諸名家

舉頭三尺有神明。毫髮難欺莫亂行。
常對蒼蒼懷怵惕。良心天理要公平。

但把天理良心四字
想想便是好人了。

行藏虛實自家知。禍福因由更問誰。
善惡到頭終有報。只爭來早與來遲。

且不
要慌。

居心誠實是根基。一事虛時百事疑。
到底虛言終削福。明明天道總難欺。

人可瞞。天不可瞞。
看你瞞天說謊。

陰謀暗算害人家。天眼分明自不花。
禍到身來方懊悔。始知前日念頭差。

只略差一點。

世事如棋轉眼更。

癡人何用苦紛爭。

今朝未識明朝事。

鐵面閻羅不徇情。

看你有本事。向閻王殿上說人情去。

湛湛青天不可欺。

未曾動念已先知。

勸君莫作虧心事。

古往今來放過誰。

人有千算。天只一算。日後總要結賬。

及早回頭莫稍遲。

光陰閃電白駒馳。

放開雙眼青雲裏。

看你橫行到幾時。

只怕天公比你更兇。且不要慌。

一船西去一船東。

順逆風波勢不同。

寄語順風船上客。

明朝未必是東風。

且慢點得意。

寒山詩

錄二首

寒山大士

人生不滿百。

常懷千歲憂。

自身病始可。

又爲子孫愁。

下視禾根土。

上看桑樹頭。

秤槌落東海。

到底始知休。

可歎浮生人。

悠悠何日了。

朝朝無閑時。

年年不覺老。

總爲求衣食。

令心生煩惱。擾擾百千年。去來三惡道。

淨土偈 錄二首

三峯禪師

其一

晚聞村哭夜聞歌。

世事無憑變幻多。

歌哭兩忘心自淨。

單單一句古彌陀。

其二

萬事不真悲末法。

自家生死也相瞞。

彌陀尙把偷心念。

不肯真真拚一拚。

西齋詩 錄四首

其一

一個浮泡夢幻身。

如何只是縱貪瞋。

好尋徑直修行路。

休學愚癡放逸人。

護戒還同冰雪淨。

操心要與聖賢親。

明明指出西飛日。

有識還令達本真。

其二

不向娑婆界上行。

要來安養國中生。

此非念佛工夫到。

安得超凡願力成。

香霧八天浮蓋影。

暖風吹樹作琴聲。

分明識得真如意。

肯認摩尼作水晶。

其三

一寸光陰一寸金。勸君念佛早回心。
 直饒鳳閣龍樓貴。難免雞皮鶴髮侵。
 鼎內香煙初未散。空中法駕已遙臨。
 塵塵刹刹雖清淨。獨有彌陀願力深。

其四

娑婆苦海汎慈舟。此岸能超彼岸否。
 直指迷源須念佛。橫波徑度免隨流。
 千生萬劫長安泰。五趣三塗盡罷休。
 縱使身沾下下品。也勝豪貴王閭浮。

修心詠 四首

心田種德急修持。生死無常不可期。
 窗外日光彈指過。為人能有幾多時。

爲人在世。生死一事最大。何以世人事事知預爲打算。獨至無常二字。偏不知早作算計。可怪也。

箇箇聞知有死生。既知何不早權衡。
 堂堂大路無人走。開眼明明入火坑。

世人昏昏夢夢。迷戀於酒色財氣中者。皆開眼入火坑者也。

幸讀詩書被化新。幸生中土作良民。
 此身不向今生度。更向何生度此身。

有識者。所以急急脩持。不使此生空過。

息心靜氣。可消百病。養生妙訣也。

自身有病。自身知。身病還將心自醫。心境靜時身亦靜。心生還是病生時。

第八篇 廣勸

書端州郡齋壁（以下立身）

宋包拯

清心爲治本。直道是身謀。秀幹終成棟。精光不作鈎。倉充鼠雀喜。

草盡兔狐愁。史册有遺訓。毋貽來者羞。

述志詩

宋杜濬之

甯枉百里步。曲水不可息。甯忍三日飢。邪蒿不可食。雖云食息頃。

便分淑與慝。志士當暮年。聞道增閱歷。要使此一身。如琢復如滌。

整冠與納履。微嫌費疏剔。未若瓜李地。絕不見吾迹。

四知歌

漢楊震守東萊。昌邑令王密夜遺金。謂暮夜無知者。震曰。天知地知子知我知。何謂無知。密慚而去。

明李東陽

故人知君。君不知故人。下有厚地兮。上有蒼旻。縱不吾知兮。

吾心有神。金獨何爲兮至吾門。吾閉吾門兮省吾身。

感賦

立身一敗萬事瓦裂。當以此詩爲座右銘。

明人

一點緇塵沈素衣。斑斑駁駁使人疑。縱教澣盡千江水。

爭似當初未浣時。

卓筆峯

清袁枚

孤峯卓立久離羣。四面風雲自有神。絕地通天一枝筆。

請看倚傍是何人。

禽言 錄一首

清吳嵩梁

泥滑滑。泥滑滑。陷我青鞵汚白鞵。鞵猶可浣鞵可脫。

此足一失難自拔。

萬里之窮跬步閒。何必啼猿上三峽。一踐春冰白吾髮。

詠竹

淑適建甯進士王防。寡居後。族議改適。因詠竹以見志。 (以下夫婦)

宋黃

淑 王防妻

勁直忠臣節。孤高烈女心。四時同一色。霜雪不能侵。

贈內

唐白居易

生爲同室親。死爲同穴塵。他人尙相勉。而况我與君。

黔婁固窮士。

妻賢忘其貧。冀缺一農夫。妻敬儼如賓。陶潛不營生。

翟氏自爨薪。

梁鴻不肯仕。孟光甘布裙。君雖不讀書。此事耳亦聞。至此千載後。

清操傳何人。人生未死間。不能忘其身。所須者衣食。不過飽與溫。

蔬食足充飢。何必嘗膏珍。繪絮足禦寒。何必錦繡文。君家有遺訓。

清白貽子孫。我亦貞苦士。與君新結婚。庶保貧與素。偕老同欣欣。

別亡妻墓 天下節烈婦人多。而能盡夫道者轉少。此等詩。足見性情之厚。

白衣白髮翁。來祭亡妻墓。麥飯澆山泉。生平此饜飫。汝魄依尊章。

眷屬時相聚。我老方遠行。征軺赴長路。眷焉不忍別。欲去屢瞻顧。

我心餘愴怛。恐汝常不寤。回首望高原。愁雲滿深樹。去去天一涯。

魂夢難飛度。我生復幾何。崦嵫景將暮。百歲歸其居。行與汝重遇。

偶成 清 宋凌雲 李博妻

天外魚書絕。征人豈念家。可憐小兒女。夜夜看燈花。

示內 此詩處貧終身可混怨尤。視牛衣對泣者身分遠過。 清 沈受宏

莫歎貧家卒歲難。北風曾過幾番寒。明年桃柳堂前樹。還汝春光滿眼看。

婦道詞 八首

闕名

子孝還須婦與俱。妻如不孝罪歸夫。
初來新婦原宜教。莫壞門風類蠢愚。

枕邊言語。聽者甚多。反被妻子教訓壞了。還要算丈夫。豈不愧死。

誰家媳婦不相安。難使公婆片刻歡。
你不敬親誰敬你。自家做與後人看。

還是留些好樣為妙。

從古家和萬事興。不和便有禍殃臨。
暗中更被旁人笑。自壞名聲難做人。

忤逆者。到底大不宜。

從來淑女共稱賢。知道公婆大似天。
勸得丈夫同孝順。一家福運自綿綿。

賢婦勸夫。真為天下第一等女中豪傑。

忍耐須當十二分。皇天只愛孝心人。
眼前吃苦終身福。好樣還留與子孫。

樂得大便宜。

娶婦原為養我親。那知娶後便相輕。
爺娘不及妻兒重。知否慈烏反哺情。

可以人而不如鳥乎。

姊妹之間兩貴和。休因言語起風波。勸他兄弟相和好。天賜金錢漸漸多。

氣量寬大者。到底自得便宜。

一言尙要勸公婆。度量宏時得福多。寬水養魚魚易活。老年樂得享安和。

做公婆的。也要會做的。

新嫁娘

唐王建

三日入廚下。洗手作羹湯。未諳姑食性。先遣小姑嘗。

新嫁娘

清沈德潛

未熟姑心性。但聞姑最賢。愛姑如愛母。妾自得姑憐。於唐人詩意外。翻進一解。可以教孝。

戒邪淫

五首 (以下戒淫)

王岱東

其一

明明死路自家尋。浪說情深孽更深。好借妖魔看美色。休欺神鬼動邪心。
陽臺一夢歡何有。陰律三章慘不禁。爲問淫人妻女者。誰甘妻女被人淫。

其二

趙石樓

色膽迷天頃刻中。殘燈暗室兩心同。
 世德百年從此斬。靈光一點自今蒙。
 雨雲入夢終成幻。前程有志須回首。
 神鬼當空不放鬆。莫向情關問路通。

其三

唐杜甫

戒爾休貪酒與花。纔貪花酒便忘家。
 酒後看花情不厭。花前酌酒興無涯。
 多因酒醉花心動。自是花迷酒性斜。
 酒蘭花謝黃金盡。花不人留酒不賒。

其四

闕名

色作船頭氣作舫。中間財酒兩相交。
 勸君休在船中坐。四面殺人俱是刀。

其五

闕名

二八佳人體似酥。腰間仗劍斬愚夫。
 雖然不見人頭落。暗裏催人骨髓枯。

淫荒悔過詞 十首

毗陵生

情絲一縷苦纏綿。抵死春蠶暗自憐。
 到此方知成泡影。當初錯認是良緣。

清夜鐘聲。足醒羣夢。

風情自負慕名流。倚翠偎紅幾度秋。
 不少老成傳藥石。迷樓何日肯回頭。

當局者大抵如此。

美人才子播芬芳。

自負情癡樂逞狂。

此日方知皆毒藥。

歧途端爲慕西廂。

竊才子名。設陷人坑。漫說名家筆墨。那知蜜裏砒霜。

目空海內氣飛揚。

每笑迂拘厭矩方。

蓋世才華成底用。

算來終不敵無常。

閻王鐵面。那管你才華好友。

顧影翩翩玉樹枝。

那堪骨立病難支。

茂林莫救相如渴。

春夢而今醒已遲。

青年自殺。遺禍種族。弱及國家。罪過彌天矣。

自知病已入膏肓。

泉路匆匆看倚裝。

忍見白頭揮老淚。

強言慰藉道無妨。

傷心之言。令人不忍聞。真所謂自作孽。不可活。

凌雲壯志共誰爭。

兩字風流誤此生。

黃口無知留一語。

早親正士遠淫朋。

尙是義方之教。

十年伉儷兩情諧。

自恨年來作事乖。

知否嫦娥能耐冷。

清光不爲白雲埋。

他恐又抱琵琶耳。

電光石火只須臾。

禍福無門我自趨。

最是夜臺悽慘處。

怕聽風雨泣呱呱。

令人腸斷。

一言尙欲告同心。

萬惡淫先禍最深。

祿壽功名今削盡。

但留話柄滿詞林。

贈石季常

稽紹

人生稟五常。

中和爲至德。

嗜欲雖不同。

伐生所不識。

仁者安其身。

不爲外物惑。

事故誠多端。

未若酒之賊。

內以損性命。

煩辭傷軌則。

屢飲致憊怠。

清和自否塞。

陽堅敗楚軍。

長夜傾宗國。

詩書著明戒。

量體節飲食。

遠希彭聃壽。

虛心處冲默。

茹芝味醴泉。

何爲昏酒色。

千金亭

淮陰漂母處

(以下雜勸)

清何渚

空亭千古對江波。

野渡斜陽獨客過。

莫怪無人留一飯。

報恩人少受恩多。

勸脩墳墓

闕名

一坯黃土掩山林。

水浸風侵孽易深。

自己住房都要好。

如何墳墓不關心。

勸速葬

闕名

麥舟助葬古傳流。美事原應代計謀。自己至親偏不葬。請君清夜捫心頭。

諷輕薄者

闕名

鮑老當筵笑郭郎。笑他舞袖太郎當。若教鮑老當筵舞。轉更郎當舞袖長。

戒談閨闈

王岱東

口孽無如閨闈多。干卿底事且由他。好藏舌劍留疑案。莫逞談鋒戾太和。蒙彼醜名心忍否。貽人話柄恨如何。津津只恐櫻天怒。報爾奇窮莫怨苛。

戒賭詩

唐六如

凡人百藝好隨身。賭博場中莫去親。能使英雄爲下賤。慣教富貴作饑貧。衣衫藍縷親朋笑。田地消磨骨肉曠。不信但看鄉黨內。眼前敗了幾多人。

警公門中人 二首

羅念菴

其一

身在公門好積功。莫施巧計害貧窮。爐中有火休添炭。雪裏生寒莫助風。船到江心牢把舵。箭安弦上慢開弓。當權若不行方便。念盡彌陀總是空。

其二

闕名

公門修德好心存。若不仁斬了根。多少良民被拖累。放寬一步爲兒孫。

第九篇 導俗

親恩歌 十二首 (以下訓孝)

虞汝明

我今未說淚先零。難報爺娘養育恩。自是斷腸談不得。斷腸談與衆人聽。

試聽聽斷腸話。不要像耳邊風。

十月懷胎兒欲生。牙關緊閉眼睛昏。直從剪下胞衣後。再過三朝纔是人。

直是死裏逃生。所以人生誕日。爲母難之長。到此倍覺心痛。

撒得渾身屎尿來。爺娘忙把破衣揩。略無半點憎嫌意。洗滌勤勞日幾回。

今人於父母老年涕唾。便起憎嫌。試回頭一想。

聽得嬌兒哭一聲。翻身就把手來擎。只愁伸縮驚兒覺。自己何曾睡得成。

爲了你。不顧自己安睡。

大雪紛紛臘月天。

偎頭偎臉抱兒眠。

只因乳是孩兒吃。

徹夜開胸在外邊。

爲了你。不願自己受冷。

說到孩兒出痘瘡。

頓時嚇得眼翻黃。

直從放出標來後。

才敢安心吃米湯。

爲了你。不願自身受餓。

幸得兒生兩歲零。

扶牆摸壁自能行。

只愁跌破頭和面。

掛肚牽腸不放心。

爲了你。何嘗一刻忘懷。

爲養孩兒積蓄無。

謀衣謀食苦何如。

機聲軋軋兒安睡。

有母渾忘手拮据。

想到此時。也應心酸淚下。

六七齡時要讀書。

經營脩脯費躊躇。

現成茶飯朝朝奉。

道是吾兒辛苦初。

若不勤苦讀書。何以對我爺娘。

孩提轉眼已成人。

食愛肥甘衣愛新。

但願吾兒知愛好。

自身粗草也甘心。

只怕愛吃愛着。外面樣樣愛好。而於人品心術全不愛好。便孤負爺娘苦心了。

如何容易得成人。

費盡爺娘萬苦辛。

娶婦入門看習慣。

暗添白髮數莖新。

爲子者。試拭目一觀。

寸寸絲絲總是恩。

誰能描得半毫真。

蓼莪縱使能描畫。

只好依稀一二分。

欲報親恩。昊天罔極。

訓孝詩 八首

闕名

恩大如天不可忘。

深恩何以報高堂。

追思父母劬勞苦。

罄筆難書淚一行。

子欲養而親不在。恩不早報遺後悔。

人生切勿怨親貧。

當日如何養我身。

有食必須留子食。

有衣必定子先輪。

父母窮苦。原皆爲養你一個寶貨。以致力盡筋疲。却不料買你一塲埋怨。豈不傷心麼。

兒有微疴親不安。

求神服藥痛心肝。

將身欲把兒身代。

涕淚汪汪相對看。

到了父母病痛。人子全不在意。豈不是毫無心肝。

衰年甘旨喜時嘗。

侍奉晨昏細付量。

白髮老人難百歲。

勸君及早愛爺娘。

父母歡喜之物。不必待父母開口。如菓品糕餅之類。須要預先備辦。以博親心歡喜。

分家只怨少家財。

偶一偏憐便起猜。

只顧妻兒忘孝道。

問君身體自何來。

兄弟如手足。妻子如衣服。
衣破可縫補。無方補骨肉。

孝子思親念轉環。

親如紅日近西山。

門前流水依然在。

父母歸山不再還。

人生老去無多日。一念歡喜。
一念憂懼。所以要及早盡孝。

苦口言詞欲動人。

勸君竭力孝於親。

倘然一日親年老。

不見雙雙空淚盈。

那時哭倒靈前也無用了。

禮佛燒香終日忙。

更須堂上敬爺娘。

眼前活佛原非遠。

好把虔誠一室將。

世有拜佛燒香而不知敬其父母者。只怕佛菩薩也未必歡喜。

孝順歌 十首

闕名

慈母懷胎十月時。

高低踏步恐傷兒。

子將此意終身記。

正己尊親兩不虧。

子念親恩以孝報慈。正己尊親。子道克修。

孩兒作熱與顛寒。

恨不搥心搥肺肝。

父母倘然煩惱處。

也須百計去承歡。

子善承歡親忘老。無多愛日應珍惜。

怒來嚇鬼與驚神。

一見孩提滿面春。

爲子也須常若此。

對親莫帶半分瞋。

和顏悅色。四時皆春。
一家慘象。起自心瞋。

抱兒教語學聲音。

笑罵爹娘也快心。

他日堂前來聽訓。

縱然責杖莫呻吟。

受杖而歡感親意。
被笞而泣痛親衰。

爺娘兒子莫分居。

試看刑曹滴血書。

更有不堪離異處。

一聲啼破脫胎初。

親子相依為命。
生離腸斷心酸。

兄弟原來本一根。

天生枝葉好扶撐。

若思割裂分家計。

便是推開父母恩。

看父母面上。
息骨肉爭端。

富貴貧窮在此身。

王侯僕隸不相因。

勸君窮莫呼親怨。

富貴無忘生我人。

逆境能養德。乘時好報恩。
心不隨境轉。氣度總溫存。

孝道常移夫婦情。

勸君獨認二親明。

夫死婦亡重嫁娶。

那能親沒再投生。

少時憶念父母。長時憶念嬌妻。此常人亦罪人也。
年長以後。不失孺慕真心。便見此人出人头地。

父母原來樹木同。

那能免得落秋風。

勸君儘力生時養。

死後悲啼總是空。

死後宰牛祭獻。何若生前煮菽承歡。

七尺身軀世上存。終天難報二人恩。勸君葬祭勤時節。常到山頭掃墓門。

樹到千丈葉落歸根。昔賢廬墓。事死如生。春秋掃墓。未忘親恩。持此廣勗。孝子慈孫。

訓子詞 十二首

孫念劬

豈不深知父母恩。世間那有鐵心人。只因看得妻兒重。沒得工夫到老親。

把工夫全用在妻子面上。忘本負恩。良心何在。

漫把錢財米穀論。此身亦是父娘身。如何毫髮能私得。你是雙親什麼人。

想到此身全是父母的。則區區身外之物。便不足計較了。

兄弟原同一樹栽。專心供養勿相推。譬如孤子無兄弟。更向何人推卸來。

就是一人獨養。也是應該的。

燒香原是為爺娘。願我爺娘百歲長。菩薩有靈應保佑。孝心一點格穹蒼。

如此存心。自然菩薩保佑。

縱然牲鼎祭吾親。不及生前菽水真。打罵來時陪笑面。庭幃歡喜一家春。

一人盡孝。合家歡。

莫怪雙親說話煩。
但須忍耐博親歡。
老人總為兒孫計。
我到衰年也一般。

老年話多。正是為子孫算計。我到了老年。也要如此。

可曉雙親手內貧。
要穿要用懶求人。
莫因親未分明說。
做啞裝聾不作聲。

如此存心。只怕皇天有眼。要同你算一算賬。

要一分時討一分。
誰人常有許多心。
勸君六飯三茶外。
還要供親幾兩銀。

此是為貧家說法。若是富貴人家。養親一切承歡委曲。又當別論。

戲綵承歡自古聞。
但求父母意歡欣。
縱然體貼能周到。
猶恐芳樽對夕曛。

知道親年。尚有幾何。

誰人不具好心腸。
貧苦人家孝益彰。
但得吾親能飽煖。
自身凍餓又何妨。

到底爺娘要緊。能如此存心。那得不神欽鬼敬。

不識親恩看養兒。
千辛萬苦不推辭。
試將愛養親兒意。
愛養雙親垂老時。

自己也養兒女。請細心想想。

力盡筋疲為養兒。
家財用盡勢難支。
閒來細把親容看。
為甚精神漸漸衰。

請細心
看看。

煙客自悔詞

八首（以下戒煙賭）

醒迷主人

天生毒種太纏綿。

劫數原知定在天。

不到此時終不悟。

只差一念恨從前。

這一念。要自家拿得定。

少年不過愛趨時。

難却朋情試吸之。

一再而三迷陣入。

尙言吾自有操持。

少年學入時。口角大抵如此。

滿口逢人說不妨。

那知癮已入膏肓。

而今志氣消磨盡。

一把煙鎗百事荒。

鎗法太兇。但香煙雪茄之禍。羣病國。不亞於鴉片。有志之士。當本自愛。愛羣之心。匡救之。

屋產田園轉眼空。

可憐身世歎飄蓬。

歲時祭享無心拜。

自問無顏對祖宗。

何不及早回頭痛戒。能力戒。便可以對祖宗了。

漸漸支離病已成。

妻房焦急恨吞聲。

老親含淚傷心道。

珍重吾兒太瘦生。

良心發現。未識可能體諒老親一二否。

百計鑽謀過癮來。

求情但說願恩開。

親知惋惜冤家笑。

清夜捫心滿面灰。

不堪自問。

煙燈苦口說頻頻。

但把良言勸別人。

說到自家何日戒。

至今依舊味津津。

真好笑煞人。

好樣貽謀笑下愚。

棋差一着滿盤輸。

兒孫要吸知難管。

心事千般付歎吁。

直是無可奈何也已。

睹客自悔詞 六首

形容憔悴不堪描。

苦乏謀生路一條。

到底賭錢非正業。

至今方覺寸心焦。

直至走頭無路始知着急可憐也已。

底事親朋叫不應。

算來只為賭錢精。

一聲長歎仍歸去。

莫怪他人看我輕。

一樣一個人。為甚被他人看輕。試想一想。

借貸無門行路斜。

每逢賭處便為家。

田房產業今何在。

只為當年一念差。

一念之差。終身之累。少年人豈可不立定念頭。

冷灶無煙歎赤貧。

衣衫檻褸半灰塵。

妻兒凍餓知猶可。

只覺無顏對老親。

想着父母。尙是他天良不昧。若早點想想便不走上此路了。

少年曾得此甜頭。一片癡心不肯休。

誰料今朝牽縛住。陷人坑裏起牢愁。

若是從陷人坑裏。翻身跳出。便是真英雄。

惹盡羞慚吃盡虧。我身已誤悔難追。

賭場多少癡迷漢。願早收心莫浪隨。

榜樣當前。急宜鑒戒。出自賭客之口。尤為親切指點。最易動人。

戒鬪毆詞八首（以下戒爭鬪）

闕名

小嫌小怨便紛爭。何苦甘將性命輕。

上有雙親下妻子。請君且把念頭清。

不要差了念頭。

無端口角髮沖冠。不顧他人痛與酸。

倘若偶然傷性命。監牢抵罪那能寬。

那時上天入地。已無路矣。

官法如爐不可逃。架敲夾打苦難熬。

雙拋眼淚終無用。悔不當初忍耐高。

且把罪囚看看。自然火退了。

雙親養你亦煩難。靠你終身事萬端。

養育之恩猶未報。敢將身體一朝拚。

想想爺娘。
拳頭慢出。

祖宗香火要延長。

何敢輕身不自量。

不孝不仁兼不義。

死時誰許入祠堂。

如此愚人。應
不准其入祠。

他人鬪氣我何干。

何必相幫怒不堪。

人命須防成不測。

拋妻撇子可心酸。

幫得真
無謂。

風水田園莫認真。

勸君且作吃虧人。

果能心地栽培好。

自有神明保爾身。

吃虧人到底不吃
虧。因為有天理在。

動手須防起禍殃。

漫誇武藝已高强。

強中更有強中手。

莫逞英雄太用剛。

保不定反被他人
打傷。自身受苦。

醒迷詠 四首

闕名

天欲罰人那得逃。

今朝未必保明朝。

今朝作惡人人怕。

明日牀頭已挺腰。

那時看你再
兇出什麼來。

爲人只要自家勤。

天下從無餓死人。

百樣營生能活命。

爲何要向賊人跟。

有了兩隻手脚。不怕沒飯吃。為何清
清白白之人不做。反要去跟賊子。

結黨成羣西又東。自稱好漢逞英雄。

梁山到底為強盜。

幾個當年得善終。

可惜看戲者不知道理。反稱贊梁山好漢。豈知到底強盜。不得善終。萬年遺臭。

錢財有數命中該。

命理無財莫想來。

只怕雷公頭上怒。

錢財到手命丟開。

戒涉訟詞 五首

集諸名家

些小爭持莫若休。

不須經縣又經州。

錢財破盡功夫費。

贏得貓兒失了牛。

可笑。

勸君勿使筆如刀。

暗箭傷人毒害遭。

變詐刁唆由爾做。

冥冥罪案可能逃。

斯文人當向農工商百業中尋正當生計。切勿上此死路。

一帶青山景色幽。

前人田地後人收。

後人收得休歡喜。

還有收人在後頭。

何必為他人吃苦。此范文正公詩。

一片青山一片金。

百年人有萬年心。

鴻溝未必常為限。

倏忽浮雲變古今。

高材為縣令。民有爭山田者。公作此詩批其稟。訟遂息。

千里書來只爲牆。讓他幾尺又何妨。長城萬里今猶在。不見當年秦始皇。

舒芬爲翰林時。家書來。有以鄰侵其牆告者。公批此覆之。

戒犯法

闕名

國家律法人宜守。可惜無知醉夢昏。繹綉加身雙淚落。上天入地悔無門。

代被溺女孩乞命詞 十首 (以下戒溺女)

蓉湖愚者

落花聲斷更何辭。有口難言痛自知。情極忽聞開口訴。染將血淚寫新詩。

阿娘也是女兒身。記否明珠掌上親。若是女兒應不養。阿爹作配更何人。

無女何由得男子。無母何自得己身。仔細想來。提倡尊女。尙不暇。何可殺女。

年年求子遠燒香。有弟還思娶媳娘。無女何從得新婦。如何再望子孫昌。

指點親切。

莫以賠錢厭女胎。須知閨閣亦多才。他年親老如貧苦。半子何妨靠傍來。

恰有此情。

也知奩嫁費多金。父母艱難計慮深。若得目前全性命。荆釵裙布也甘心。

嬌喉宛轉。如聞如覩。

哀求哥嫂勸雙親。也是同胞一本人。嫂若生兒妹能抱。團圓骨肉一家春。

何等不好。

幸得人身作女嬰。自知口祿本天生。婆婆若肯垂憐救。功比彌陀十萬聲。

衆生皆未來佛。諸佛爲求衆生出苦而出世。若方便救人命。諸佛皆歡喜。

收生阿姆發慈悲。勸我爺娘意念回。保爾百年康且健。無災無病見如來。

地方賢達。先要勸此輩留心。

拜懇官紳作主張。保嬰勸禁熟商量。願他萬代聲名顯。絲繡平原奉瓣香。

柔情苦口。賢宰官應恹恹心動。

宛轉呼號苦莫伸。四鄉應有善心人。救人一命陰功大。定有神明鑒察真。

一方有疾苦。士君子之罪。鄰近而有溺女惡風氣。不能開化。多衆設法糾正。非其罪而何。

戒溺女詞 六首

蓉湖愚者

此風始於浙閩。近時則江南安徽江西兩湖河南山西到處皆有。計每歲

溺女何啻數十萬。殺氣血光上昏天。日不大可憂耶。

彌天殺劫起閨房。話到鄉風便斷腸。一樣投生偏棄女。

滿盆清水勝無常。

慘痛之極。

不信爺娘鐵作腸。乍看落地已遭戕。眼前現報災星降。

只怕兒孫不久長。

女稱半子。豈無光大門庭。子若破家母乃空生歡喜。

淹女原思望子來。豈知命理要應該。心腸狠毒神天怒。

那得賢郎再入胎。

你不肯養女。天并不煩你養子了。自作自受。不要後來抱怨。

貧窮已定五行中。淹女之家必更窮。淹一女兒傷一子。

可憐打算反成空。

一人入世。自有一分衣食帶來。世不乏苦父母。因養了有福兒女。晚年享福。不可不知。

嗚嗚畢命淚漣漣。總為妝奩體面難。體面事輕人命重。

勿教冤孽重如山。

妝奩不妨隨力。造罪索命事大。切勿再為陪嫁之說所誤。

動地驚天殺不辜。釀成大劫最堪虞。一言激切垂悲淚。

萬萬嬰孩在腹呼。

謹為普天下在腹嬰孩。哀號乞命於當代大君子前。

戒口過

二首 在一吐納間。聰明人切勿自誤。

(以下雜戒)

金人銘

從來言語易招災。

無益於人口莫開。

到處談忠并說孝。

一生元氣好培栽。

息事勸善。開口便能造福。

漫誇舌辯口才強。

隨處逢人話短長。

何苦多將陰隲損。

敗人名節太和傷。

口角傷人者。多致上千天怒。非有奇禍。即有奇窮。

夢醒 二首

自身有過不耽差。

人有微疵便亂譁。

明眼在旁應暗笑。

請君且把自身查。

且摸摸心頭。慢點開口。

不嫌迂闊不嫌煩。

總要逢人說一番。

多少古來忠孝事。

何妨到處當閒談。

口頭功德。盡人能做。不費分文。能造大福。

勸改過詞 三首

闕名

過失多端累此身。

急須改悔莫因循。

自家錯處知多少。

那有功夫說別人。

自家想想看。勿要亂說。

朝聞夕死性天真。聖域賢關萬古春。莫待老來方學道。孤墳多是少年人。

今朝不知明朝。請回頭一望。

悔過原為進步時。自家過失自家知。認差不失真君子。自是徒為識者嗤。

先儒云。君子小人之分。但觀其責己責人之間而已。自是者請思之。

代老牛乞命詞 四首

蓉湖愚者

一聲長嘆老牛哀。跪向屠門乞命來。白刃臨頭魂欲斷。紛紛淚落口難開。

一見傷心。

耕煙犁雨幾經年。領破皮穿未敢眠。老命自知無足惜。前功還望主人憐。

想想看。

路近湯鍋無處逃。含冤莫訴但號啕。耕田用盡平生力。臨老翻教送一刀。

心腸未免太毒了。

宛轉吟成乞命詞。功將仇報請君思。西方名士倡蔬食。殺運由茲一轉移。

功將仇報。人心天理何在。

勸敬惜字紙五穀水火 七首

蓉湖愚者

救劫須求天怒回。先從字穀兩般推。一心敬惜天顏霽。災退還看集福來。

一念暴殄。天已震怒。一念敬惜。天必甚喜。天心轉怒為喜。豈不足以弭災救劫耶。

世人暴殄罪彌天。刻刻留心祿壽綿。閒暇工夫莫虛度。好從此處種心田。

世人有一點空工夫。何弗敬惜字紙五穀。自求多福耶。

要識字時須敬字。其中果報本分明。勸君處處勤收拾。發貴根苗在子孫。

若要子孫識字。必先自己惜字。一定之理。

從來惜字譬燒香。不惜何能免禍殃。牆脚灰堆尋仔細。延年降福叶康強。

字紙惜一張。譬如燒炷香。切勿虛度光陰。

五穀由來不可輕。雖拋半粒也心驚。倘然忽略多狼籍。試聽天雷霹靂聲。

小兒拋棄習慣。造孽折福。莫此為甚。切須戒之。

荒歉難求飯一餐。如何遺棄許多般。勸君時刻加珍重。莫待飢來懊悔難。

不惜五穀者。後來須防餓死。

人非水火不能生。日用須將此理明。惜一分時一分福。無端浪費罪非輕。

凡可用之物。總出乎天。均不可輕棄。

禁花鼓淫戲

六首 此戲誨淫最甚。為第一傷風敗俗事。官法諭禁。多為差役賄庇。願賢明當道力挽之。

闕名

是誰作俑長淫風。男女登臺醜態同。廉恥盡亡名教壞。狂瀾孰障百川東。

若能永禁。定卜俎豆千秋。

任爾鄉村農事忙。一聞此戲便拋荒。錢財耗盡催科誤。苦迫飢寒起盜腸。

有戲必有大賭。故小民力耕所餘。半為此輩引誘破家。即差役代領串銀。多有從此傾囊者。

大典頻頒節孝坊。移風那及誨淫狂。幾多苦節清門女。從此灰心作未亡。

俗語云。花鼓淫戲做十日。十個寡婦九改節。是國家歲旌節孝千人。不敵淫戲數回之力也。

名師千百訓童蒙。期望常行正路中。豈料一朝淫戲看。十年辛苦付東風。

我輩辛苦教訓子弟。原期移風而易俗。不料竟為若輩敗壞至此。真堪髮指。

子弟休教入戲場。須知蜜裏有砒霜。元精暗喪成癆瘵。撇子拋妻淚萬行。

若要子弟多活幾年。第一先禁他不許入灘黃戲場。

蒿目頹波第一端。傷風敗俗萬千般。士林尙展迴瀾手。救世豐功莫小看。

望眼將穿。誰為同調。

戒看淫書淫畫

二首。淫戲為近世第一傷風敗俗之事。淫為萬惡之首。淫書淫畫。

闕名

淫書淫畫害人多。

偏是聰明易着魔。

暗喪元精成痼疾。

如何苦學撲燈蛾。

看之者如蛾投火。自尋死路耳。

荒唐之說本空虛。

誤煞青年是此書。

莫以消閒輕入目。

付之一炬禍根除。

每年殺害青年不知其數。急須請禁。收買燒燬。

戒點淫戲

二首。近時又有花鼓灘簧各種淫戲。更穢褻不堪。導淫傷化。莫此為甚。大可為世道之憂。

闕名

粉面妖嬈假若真。

漫言貽害萬千人。

窺簾我有親生女。

異日如何守節貞。

家家有子女。掃除此毒。益羣即益己。

敬神宴客意何隆。

戲演宣淫罪莫窮。

父子師生皆在座。

閨房何事笑談中。

想想看。豈非天下大可笑之事。願當代仔肩世道大君子。力禁廣勸。造福無量。

第十篇 紀實

新聞紀事詩

詩以紀事不計工拙訓學者但就事講解已於童蒙有益

同人分詠

吳江鄉民王阿三漫罵其母族衆面叱不改乃以索繫頸鳴小鑼前導遊街示衆并責令自述因罵母被罰云云觀者數千人地方從此大化嘉慶二十一年九月事

面目居然亦是人因何草索走風塵鑼聲響處千人笑自說曾經罵老親

陽湖張某慣爲二婚媒誘人改嫁後忽見鬼來勾張言是你妻自家情願改嫁不干我事又言走便走不要打登時跌倒昏暈而死妻亦改嫁人共快之

評 百口抵賴只怕不能饒你 寡婦面上之錢原不可貪

夫亡守節最心酸勸嫁何人太不堪冤報來時追悔晚尙思推托我無干

蘇城林阿秀喜唱淫歌邪曲喉生乳鵝腐爛而死道光元年評爲想開心白送性命看他

臨死時尙作張口狀

淫詞豔曲本荒唐何事癡人習學忙病入咽喉能唱否可憐張口痛殞亡

句容茅山下楊大全與鄰人鬥氣不勝。聳其老母出頭。與鄰家爲難。其婦且曰。你老性命如此。值錢耶。母不得已。趕赴鄰家坐吵。俄而氣鬱而死。反以人命控官。其子媳皆觸電死。評此等風氣極惡。地方官長下車之始。宜及早示諭。庶鄉愚不致誤犯。

衰年白髮養宜安。老命何堪爲子拚。天道懲兇觸電死。鄉愚知否罪難寬。

餘杭黃生喜談閨閻。敗人名節。忽口生疔毒。吐舌尺許。腫而難動。痛極以死。道光五年事。評要殺就殺。只消一刻。便教你有口難開。

舌劍稱雄快一朝。那知毒發不輕饒。休言不爛憑三寸。天殺原來不用刀。

武進小河劉姓童。上樹取鳥巢。脫手跌墮石尖。腦漿迸流。鳥來吸盡。并啄兒眼珠去。父母痛哭收其屍。道光十年事。評何不早早管束。以致習成遊戲。

嫩骨難支墮樹巔。一朝失足已黃泉。爹娘悲痛肝腸斷。教訓無方誤幼年。

荆溪東洲有李姓小兒。性殘忍。見鳥巢必取下。每見蟲鳥必捉弄之。後脅生百鳥毒。痛極而死。毒名百鳥朝王。醫者云。是百鳥索命。不可救。

生兒誰不望綿長。冤孽來時報應彰。不過幼年無教訓。累他災難一身當。

陽湖東鄉某村。演花鼓戲十日。一月內。寡婦改嫁者九人。閨女因奸逃逸者

三人。爲首者未幾患絞腸痧死。

一曲淫詞變化神。幾多貞節盡懷春。卽看現報抽腸死。已害鄉村千萬人。

常熟西鄉某。開賭演花鼓淫戲。其子忽因夢遺精脫而死。女隨奸夫逃逸。某

氣忿死。死後被火。

陷人坑。弄孰爲開。姦盜邪淫此作媒。到底害人原自害。一家出醜理應該。

江陰東鄉某氏子。將字紙拋入糞坑。後觸電死。

字紙從來五穀同。聖賢遺蹟在其中。輕拋應犯天神怒。試看當頭閃電紅。

江陰城中街王姓兒。拋棄角粽入糞廁。時電光繞屋。母驚詢得其由。急淘坑

取出食之。得無事。道光二十三年五月事

古人惜食惜如金。玉粒何堪穢廁沉。莫道兒童猶可恕。須知天律本嚴森。

偶見木阱搶犯遊街。掩面拭淚。感而有作。評此不過念頭一差。跟了惡人。受此大辱。懊悔當初荒唐到底。

要想想國法可畏。

萬人指點犯囚來。共說曾經搶貨財。到此方知犯國法。有何面目見人哉。

偶見道傍懸示盜首。鬚鬚染血感而有作。評百樣營生。都可吃飯。不過要

送。去。不知上。那一個大當。

原來天道怒奸邪。惡到頭時禍便加。鬼若有知應夜哭。當初恨煞念頭差。

揚州袁姓。慣寫匿名揭貼。或敗人名節。或煽惑民心。或作離婚

書。一旦十指生疔。全行爛脫。嚼舌而死。評讀了聖賢書。全不懂一點天理。要

斬指割舌。尙是從輕發落。

弄筆如刀慣害人。幼年空讀聖賢文。試看十指疔瘡爛。悔否當初枉用心。

宿遷民亂。爲首搶犯活釘城門。餘黨各染瘟病發狂。令將所搶衣物盡行燒

燬。并囑赴事主家叫魂。人心慚懼。傳爲話柄。評搶人財物。公然是強盜手

去三倍。貪小利。折大本。徒然破了面孔。

肆搶行兇勢亂紛。那知頭上有神明。得錢不夠瘟災用。枉喪良心難見人。

如皋鄉民孫姓。犯法傷人。連夜奔逃。三日三夜。前無去路。仍在本鄉徘徊。卽

遇官差拿獲問罪。在獄自歎。評一時做差了事。百隻脚也逃不去。拋妻撇子。更覺心酸。然而悔已遲矣。

奔逃無路并無門。天道昭彰我已明。自顧一身猶罷了。可憐妻子靠何人。

甯波某觀劇。點淫戲取樂。是日其妻其女俱因姦逃逸。某忽患異疾。死時口

呼城隍爺拿我云。道光二十九年四月事

一曲梨園樂趣生。自家妻女早移情。明神赫赫親行罰。聽罷歌聲聽哭聲。

常州某好刻淫書唱本。被火燒死。

禍胎毒種是淫書。回祿臨門盡掃除。燒得心肝焦似炭。一生射利竟何如。

江西王家店。褻用字紙。火燒淨盡。包物紙人家往往拋入糞坑之故。

六書點畫總宜珍。可怪愚人褻用頻。天遣火神來攝取。從前辛苦作灰塵。

溧陽北鄉民某。因溺三女。後忽生怪人。面蛇身。索命而死。

虺蛇入夢兆堪疑。今日生蛇事更奇。人命本來無大小。冤魂索報悔嫌遲。

無錫北鄉吳某。因厭生女太多。遂連溺三女。三年後所生二子。十餘歲。先後

皆病死。咸以爲溺女之報。評天道本自不差。子女必傷一男。一命抵一。

天生男女各宜家。溺女亡男報不差。來早來遲天罰在。老年空自恨咨嗟。

蘇城陸某以暗拳打人。其人受傷。十日後死。未經報官。陸自以為得計。半年後忽見鬼來索命。劈面一掌。吐血而死。評：你有暗拳。以為公報私仇。無人看見。孰知神有暗眼。鬼要索命耶。

陰魂索命果然真。自悔當初結禍因。寄語世間年少子。勿施毒手暗傷人。

常熟王某恃拳勇。毆斃人命。逃逸不脫。監絞死。評：當打架高興時。恨不得

時恨不得多。生一隻脚。

一朝怒氣髮冲霄。人命關天法不饒。囑咐少年休動手。身囚法網那能逃。

太倉錢某毆命抵罪。其友王某幫打。同收大監。錢某怨曰：若非老兄幫我。何

致如此。王某怒曰：我好意幫你。你反怨我。旁一人笑曰：罷了。幫的也幫到了。

此地了。合獄大笑。評：幫打時。同心同氣。坐監時。獨苦獨當。多少朋友。早已逃避。那一個再來幫你。

好友相幫恨昔時。獄中歸怨已嫌遲。而今急難無人助。多少相知總不知。

吳江蔣某。因一時氣忿。服毒自盡。後忽魂附妻身。大恨曰：不應死而自盡。罰

入枉死城。火坑銅柱。慘苦難言。到今無人替代。始知在生一日。勝死千年也。

奉勸世人甯可氣死。切勿輕生。大哭而去。
評一失人身萬劫難。短見者尙宜三思。

短見輕生一命拚。花花世界鬪饑寒。火坑銅柱無邊苦。一念之差悔萬端。

揚州陳某開賭害人。忽遇天火。房屋燒盡。陳某嚇死。
評開賭的且慢點高興。

漫說頭家財運通。陷人坑已火飛紅。害人到底天應罰。家破人亡轉眼空。

江都某洲陳姓。被串詐涉訟。候審延久。勒索過多。典賣一空。服毒自盡。
評

堂上一點硃。小民一點血。可輕用乎。

甘將性命一朝拚。只爲公門莫認冤。堂上猶然隔千里。小民已見骨枯寒。

丹陽東鄉袁某。常打狗烹食。忽發狂。兩手爬地。作犬吠聲。向廁中吞便溺。如

是者三日。墮糞坑而死。
道光三年事。評狗肉滋味雖好。吃糞滋味難熬。還是不吃的爲妙。

人而作犬事非虛。天罰森嚴一例書。饑口難禁知悔否。墮坑滋味究何如。

湖南陳玉林先生。善救五絕。聞信急趨數十里。不憚。雖死已經日。必盡力救

治。常曰。死馬當活馬醫。醫亦何妨。人咸笑其愚。然因以得活者十有三四。後

生五子。三子登鄉榜。爲顯官。玉林享壽百歲。
評此等事。聰明人斷不肯爲。以爲救亦無益。徒費辛苦。

也。孰知愚者之誠。能格天耶。

回生妙手羨先生。天賜佳兒賀顯榮。救命心誠真莫及。笑爲愚者失論衡。

杭城吳太翁。每訓兒童勿撲捉蟲鳥。或買以放生。後享壽九十五歲。子三人。

俱登科甲。

童子無知喜逞情。勸詞苦口賴先生。好生一念天神鑒。無量陰功口舌爭。

宜興張文泉。常持册勸人戒食牛犬。道光元年。合村大疫。張氏左右鄰皆染。

病。而文泉合家得免。評戒食牛犬。可免瘟疫之災。急速立願。觀張文泉事。可以鑒矣。

食非其分必遭殃。瘟疫臨門報應彰。到底信心神必佑。莫辭苦口作慈航。

節錄寄某縣令詩 七首

石門散人

絃歌聲裏想儒冠。本色知應念舊寒。知否末流民力竭。放教青眼冷中看。

官場熱鬧。孰肯先舒冷眼。

愚蠢何知法網深。得情應復動哀矜。事關人命天神鑒。生路能求仔細尋。

委曲求生。一念定可格天。

審斷應知體下情。鄉愚財重命猶輕。休因喜怒成疎忽。下筆須防系死生。

這一枝筆落下。即罪人死。死關頭。亦自己子孫禍福。

刁風誑告百方欺。鬼域神通變幻奇。寄語河陽賢父母。苟非大故莫輕提。

俗語云。無誑不成狀。又云。圖准不圖審。故欲做好官。莫好於先審原告。而重反坐之罪。

公門一紙下鄉來。合室驚惶天降災。變賣可憐錢不值。琴堂那識路人哀。

琴聲和婉中。得毋悽悽切切。忽聞哀怨聲耶。

天生缺陷正多端。濟涸嗷枯賴宰官。物力艱難宜愛惜。須知四境有孤寒。

官場浮費最多。能念及此者誰耶。

頻年蒙愛辱知心。報德無由一念深。惟願此行多造福。好培玉樹向棠陰。

鐵爐陰功詩

李恂為浙江縣令時。夢得此句。一日東街大火。惟許姓獨全。始知東街震地。南陽許姓也。問有何鐵爐。則知許家每上墳燒紙。用一鐵爐。蓋春夏恐昆蟲燒死。

一月念好生。遂免大難。可不好生乎哉。

日光未出滿天紅。震地災臨百室空。莫怪南陽人脫難。陰功全在鐵爐中。

淫書自悔詞

潮州王生。年少負美才。因喜看淫書。成怯症。病篤自悔。此其絕筆也。年僅二十一。同人皆為惋惜。

夢裏猶呼才子詞。

一編曾此誤情癡。

而今病骨支離甚。

十載栽培負父師。

手筆伊誰種毒深。

棗梨傳布壞人心。

寄聲同學諸兄弟。

好鑒前車惜寸陰。

附錄 訓蒙詩選

校箴 八首

聶其杰

誠

存心中正。做事切實。

暗室無欺。

天日可質。

莫弄機巧。

莫使詐術。

信

使詐終敗。弄巧反拙。

大言無實。

識者厭聞。

輕諾難踐。

招人怨憎。

仁

抑人揚己。仇禍即臨。

愛人及物。

見人美事。

便當欣悅。

見人患難。

便當憐恤。

厚

消除嫉妬。以養太和。

災殃盡去。

降福孔多。

寬大受福之基。

說話莫佔便宜。

銀錢要學喫虧。

厚

博厚悠久之道。

寬大受福之基。

說話莫佔便宜。

銀錢要學喫虧。

喫虧是真便宜。便宜終久喫虧。

勤 作聖工夫。致富祕訣。人一已百。更無他策。彼學無成。或業失敗。

原因甚多。懶惰最大。勤以生產。儉以節流。起居簡樸。欲望淡泊。

儉 治生之道。不必外求。學則進道。商則獲利。與人交際。百事順遂。

布衣粗糲。快然自得。謙謙君子。載道之器。何苦傲慢。招人怒忌。

謙 何苦傲慢。招人怒忌。學則進道。商則獲利。與人交際。百事順遂。

人之大患。好為人師。夜郎自大。其格真卑。自古英傑。皆能下人。

卑 人之大患。好為人師。夜郎自大。其格真卑。自古英傑。皆能下人。

卑以自牧。人望愈尊。莘莘學子。切記斯言。

弟子職 周管子

先生施教。弟子是則。溫恭自虛。所受是極。見善從之。聞義則服。

溫柔孝弟。毋驕恃力。志無虛邪。行必正直。游居有常。必就有德。

顏色整齊。中心必式。夙興夜寐。衣帶必直。朝益暮習。小心翼翼。

一此不懈。是謂學則。

座右銘

宋張繹

凡語必忠信。凡行必篤敬。飲食必慎節。字畫必楷正。容貌必端莊。
 衣冠必肅整。步履必安詳。居處必正靜。作事必謀始。出言必顧行。
 常德必固持。然諾必重應。見善如己出。見惡如己病。凡此十四者。
 我皆未深省。書此當座右。朝夕視爲警。

座右銘

闕名

短不可護。護則終短。長不可矜。矜則不長。尤人不如尤己。好圓不如好方。
 用晦則莫與爭智。撝謙則勿與爭強。多言爲老氏所戒。欲訥乃仲尼所臧。
 妄動招尤。何如靜而守拙。太剛則折。曷若柔而無傷。吾見進而不可已者敗。
 未見退而自足者亡。爲善斯遊君子之域。作惡則入小人之鄉。吾儕書紳帶以自警。
 刻盤孟而若傷。惟常存乎座右。須夙夜之不忘。

宋朱熹作小學題辭及程董學則敬齋箴敬恕齋銘敬義齋銘尊德性齋銘均可作座右銘讀。

童蒙入塾規矩吟 十首

童品端

年少書生進學堂。衣冠整潔貌端莊。讀書字字須清楚。不許癡頑學逞強。

為師者以此為教訓第一義。斷不可寬。

坐須端正戒偏斜。布素衣衫不用華。人品好時人敬重。一生正路走無差。

要人敬重。須走正路。

蒙童心地要先培。如養芝蘭詎忍摧。第一老成無說誑。輕浮畢竟不成材。

子弟說誑。最是為惡根苗。急須痛戒。

生書百徧不嫌多。讀熟無教一字訛。同學相親休鬪口。為人從小要謙和。

溫故可以知新。人和成於禮讓。

出門行走要安詳。尊長稱呼不可忘。早晚案前須作揖。歸家還要禮爺娘。

禮敬乃德行之表現。高我慢之罪惡。自然由此消滅。

坐定身來便讀書。一心專志勿支吾。早求明白為人法。一日從師也不虛。

若不明白為人道理。雖讀了十年書。也是無用。

爲人貪嘴不成文。飲食何妨讓幾分。倘使幼年多吃慣。一生難做起家人。

貪吃酒肉者。孟子所謂飲食之人。則人賤之也。如何能成大器。

小心謹慎學爲人。行動言談正道遵。跳舞罵人都不許。莫傷心術誤終身。

自幼端正。便成端士。

賭色輸贏莫認真。一迷便已不成人。陷人坑裏身難保。先要童年立誓深。

要向佛前立誓。一生永不賭錢。

子弟溫純立品端。先生父母也心歡。急須掙口英雄氣。做個賢人萬衆看。

如此方是一個大丈夫。

戒勿傷物命 二首

萬物夭亡總痛情。雖然蟲蟻也貪生。一般性命天生就。分付兒童莫看輕。

一切物命。如蟲蟻蝶蜂禽鳥之類。小兒最喜捉弄。切宜痛戒。所以杜殺機。培壽源也。

培養深仁在幼時。方能享壽百年期。殺心好把慈心換。莫向春林折嫩枝。

家語。謂高子羔啓蓋不殺。方長不折。夫子許其仁。

補錄

孝悌歌

五首

(孝悌)

宋 邵康節

子孝親兮弟敬哥。休殘骨肉起風波。劬勞恩重須當報。手足情深最要和。
公藝同居今古罕。田真共處子孫多。如斯遐邇皆稱美。子孝親兮弟敬哥。
子孝親兮弟敬哥。光陰過去疾如梭。庭闈樂處兒孫樂。兄弟和時妯娌和。
孝悌傳家名不朽。金銀滿櫃當如何。要知美譽傳今古。子孝親兮弟敬哥。
子孝親兮弟敬哥。丈夫休聽婦人唆。眼前金帛毋嫌少。膝下兒孫不厭多。
但得家和貧也可。若教不義富如何。王韓孝友垂青史。子孝親兮弟敬哥。
子孝親兮弟敬哥。子孝親兮弟敬哥。子孝親兮弟敬哥。暗積私房暗折磨。
不孝自然生忤逆。無良定是產妖魔。但聞孝悌傳千古。子孝親兮弟敬哥。
子孝親兮弟敬哥。吁嗟分析聽搬唆。囊中財物他嫌少。祖上田園你要多。
夫婦眼前雖快樂。兒孫日後恐消磨。何如孝弟推鄉黨。子孝親兮弟敬哥。

別老母(孝悌)

清黃景仁

寒帷拜母河梁去。

白髮愁看淚眼枯。

慘慘柴門風雪夜。

此時有子不如無。

兒鬢(孝悌)

清袁枚

手製羹湯強我餐。

略聽風響怪衣單。

分明兒鬢白如許。

阿母還當襁褓看。

傷心(孝悌)

清袁枚

傷心六十三除夕。

都在慈親膝下過。

今日慈親成永訣。

又逢除夕恨如何。

素琴將鼓光陰速。

椒酒虛供涕淚多。

只覺當初歡侍日。

千金一刻總蹉跎。

七歌其二(孝悌)

清鄭燮板橋

我生三歲我無母。

叮嚀難割襁中孤。

登牀索乳抱母臥。

不知母歿還相呼。

兒昔夜啼啼不已。

阿母扶病隨啼起。

婉轉嗅撫兒熟眠。

燈昏母咳寒窗裏。

嗚呼二歌兮夜欲半。

鴉棲不穩庭槐斷。

紀夢(孝悌)

清朱方謨

嗟余生不辰。

永抱風木悲。

不謂昨宵夢。

親容復見之。

咎我懶且癡。語言雜慰藉。無異平生時。夢中了不辨。牽衣同兒嬉。
 俄焉舍之去。轉瞬不可追。徬徨起中夜。枕邊涕漣洏。空房徒四壁。
 殘燈照我帷。夢境何變幻。恍惚增人思。悠悠隔泉壤。相親永無期。
 倘使不入夢。那復覩容儀。神乎果數來。頻夢亦不辭。覺則失母人。
 夢則有母兒。

饑荒詩

二首 襄。往其地。明景泰五年。陝西省大饑。朝廷命學士周文襄。公既至。吟詩二首。寄與朝臣。

周文襄

其一（仁愛）

蕭蕭行馬過長安。滿目饑民不忍看。十里路埋千百塚。一家人哭兩三般。
 犬啣骸骨形將朽。鴉啄骷髏血未乾。寄語當朝諸宰輔。鐵人聞着也心酸。

其二（仁愛）

艱難百姓也堪悲。大小人民總受饑。五日不燒三日火。十家關閉九家籬。
 隻鵝只換三升穀。斗米能求八歲兒。更有兩般堪歎處。地無荒草樹無皮。

嗜利箴（知足）

董望峯

堪笑世人皆逐利。利心一重命還輕。囊中子母親於母。袖裏家兄勝似兄。
厚德因之甘薄行。廉操爲此盡污名。營求使盡千般計。死去何能帶一文。

戒不知足(知足)

闕名

終日忙忙只爲饑。纔得飽來便思衣。衣食兩般俱豐足。房中又少美貌妻。
娶下嬌妻并美妾。出入無轎少馬騎。騾馬成羣轎已備。田地不廣用不支。
買得良田千萬頃。又無官職被人欺。七品五品猶嫌少。四品三品仍嫌低。
一品當朝爲宰相。又羨稱王作帝時。心滿意足爲天子。更望萬世無死期。
總總妄想無止息。一棺長蓋抱恨歸。

勸勤業(勤儉)

青陽祖師

肩挑步擔小營生。全靠蠅頭糴兩升。秤大錢新無利覓。幾回轉折本全傾。
本傾無計可謀生。只得沿街乞幾文。又道此非殘疾老。壯年何不小經營。

積福歌(覺迷)

闕名

嘆人祇知今世財。那知財是前生福。我今說與積福人。勸世重財先重福。

有福自有財。無福空勞碌。
福厚財自郁。何故奢靡人。
反以積福資。倚勢欺窮獨。
何故慳吝人。枉有積福資。
留了難帶財。撇了易帶福。
叮嚀還再囑。莫爲兒孫計。
若有一分財。乃以積福資。
定有一分福。任意恣淫慾。
德厚福自綿。何故驕縱人。
聚有積福資。貪得無厭足。
願做兒孫贖。我爲世人悲。
及早修些福。不如看破財。

年月日時刻歌(覺迷)

闕名

一年又一年。漸漸改容顏。
回頭種福田。休待無常到。
日月無有期。幻化有生滅。
不怕你會說。一日又一日。
總是少水魚。急急須跳出。
步步向前移。不思行大道。
始作兒童戲。修行早向前。
少實心多虛。朝出暮還入。
看看白髮全。一月又一月。
巧計不如拙。妄想不肯休。
莫造來生孽。光陰如消雪。
閻君送信來。恩愛何時歇。
一時又一時。只愛口頭肥。

一日無常到。臨死悔也遲。一刻又一刻。晝夜相催逼。茫茫不轉頭。靈臺真可惜。奉勸世間人。修行須努力。古今多少人。一去無消息。

勸世(覺迷)

闕名

大衆造業苦如何。可憐孽海起風波。皮乾髮白尙不醒。生死到來這奈何。田園產業非吾有。富貴空花轉眼過。生老病死誰能免。冤冤相報罪業多。一墮三途真個苦。不知何日出網羅。急急回頭行善道。喜捨慈悲福慧多。放下萬緣生淨土。一心念佛出娑婆。

警世(覺迷)

善導大師

漸漸雞皮鶴髮。看看行步龍鍾。假饒金玉滿堂。難免衰殘病死。任汝千般快樂。無常終是到來。惟有徑路修行。但念阿彌陀佛。

淨土詩

錄二首(覺迷)

明張守約

物外寄閒身。諸緣任運歇。不染半點塵。惟念一聲佛。性使軟如綿。心要硬如鐵。肯作無益事。水底去撈月。

七十古來稀。前面無多日。急急辦盤纏。猶恐來不及。橫也由他橫。直也任他直。安得閒工夫。與之分皂白。

正家箴(廣勸)

王鳳洲

正人先正己。治家如治國。先須重祖宗。慎勿慢親族。竭力孝父母。小心敬伯叔。長幼必有序。伉儷在和睦。度量放寬弘。見識休局促。莫聽婦入言。兄弟傷骨肉。常存君子心。忠厚待鄉曲。義方訓子孫。寬恕御童僕。諸物須儉用。凡事要知足。衣食務均平。財貨莫私蓄。閨門宜謹嚴。兒女當拘束。家法能整齊。自然天賜福。

忍辱歌(廣勸)

闕名

忍辱好。忍辱好。忍辱二字真奇寶。一朝之忿不能忍。鬪勝爭強禍不小。身家由此破。性命多難保。逞權勢。結怨仇。後來要了不得了。讓人一步有何妨。量大福大無煩惱。

治肺病一良方

蕪菜佐膳久之自愈(此菜多產江浙湖澤中葉橢圓莖及葉背皆有黏液作羹甚美若治病勿同葷菜煮) 枇杷葉去毛煎茶日日飲之一月後大便中見小蟲即愈